

光緒江西通志

江西通志卷一百七十六

列女十一 九江府

晉

陶潛母孟氏孟嘉第四女也嘉本娶陶侃第十女後以二女妻侃子茂之二子一生靖節一生敬遠靖節娶翟氏能安苦節夫耕於前妻鋤於後

豫章書

明

畢彥昇妻鄭氏彭澤人鄭英長女年十八歸畢三月而夫亡遺腹生子仲遠鄭養老撫幼紡績爲家終無他意洪武中詔旌其門

明一統志

歐陽尙八妻李氏彭澤人先是洪縣作亂尙八之兄尙誠面奏太祖平洪後其黨復訂李謂妾曰洪黨不殄我

家必被其害毋爲所辱遂閉門自焚死

謝志

劉淦妻黃氏名貞懿湖口人黃釗女年十九適彭澤劉氏三年而淦卒生子价方一歲黃竭力事舅姑足不履外闕卒年七十有三廣陵桑喬爲撰墓表

謝志

魏輔妻董氏南昌人用和女年二十五適德化魏氏甫四年而夫故董守節事姑撫孤始終無玷永樂中旌門

謝志

柯茂妻王氏彭澤人王哲之女嫗姆教年十九歸柯三載而夫亡勤儉孝敬鞠育二子守義不衰年七十五終從子柯嶼妻陽氏陽遂之女年二十七而夫喪以貞節自守撫子曰璿成諸生年七十而終人稱柯氏二節

謝志

宋永華妻陽氏彭澤人教授暹女年十八適宋五年而

寡二子文淮文海苦節歷四十餘年七十五卒

謝志

劉相妻黃氏德化人相郡諸生迎父喪於臨清哀恚嘔血死柩至黃觸棺流血被面每欲以死殉時年二十一形毀骨立矢志靡他衰經十年事繼姑益謹比其卒哀殯盡禮閨門肅然雖處貧苦而怨聲不聞人皆賢之

統志

張仲偉妻周氏名端秀湖口人年十九而夫亡舅姑憫其家貧子幼欲奪其志周曰甯爲張氏鬼不作他人妻孀居三十年冰清玉潔鄉里咸記其言以爲內則

明一統志

王守邦妻陶氏彭澤人年二十夫以暴疾卒陶哀毀欲與俱死翁慟其子越宿亦亡陶嘆曰我卽死姑何依乃營夫葬豫虛其右以示同穴人不敢以非言逆之孀居

二十餘年事姑盡孝內外重之明一統志

計偉妻劉氏名玉蘭彭澤人年十八適計越五年夫亡哀痛殊切圖與俱死翁將舉夫喪劉泣告願少留乃移別室停之劉苦塊以居悲號傷心嘔血數升父母恐遷柩營葬劉曰吾今得死期矣遂不解衰經七日不食而卒舉尸見袖中所遺巾帨皆夫之遺物明書謝志舊案計偉安志作

計緯劉氏安志作王氏

余氏女名孝繡湖口人余志一作老通女年十八未字正

德七年流賊劫縣投河死謝志

吳琴妻萬氏瑞昌人萬志育女年十七而嫁六年而殘

以死自誓孝事舅姑勤儉教子正德閒旌門謝志

計如垣妻朱氏輔國將軍拱挺女適彭澤計氏謹執婦

禮盜至獲其姑朱盡簪珥投之脫姑於難姑尋亡哀痛

而卒事聞賜祭

謝志

謹案府志云朱以姑疾籲天請代姑萊尋瘳與垣相敬終身與此文不

合附載
備攷

程綱妻王氏彭澤人年二十喪夫撫子苦節自守年八

十終

謝志

曹鉦妻徐氏名細貞湖口人年十七守節富民有厚聘

求之者徐沐浴更衣自經而死

謝志

李氏九江衛人郡諸生李溥妹年十五未字正德己卯

逆濠陷城女急謂兄曰禍迫矣兄爲全母計乃自潛避

於井旁頃之賊至遂投井而死賊爲驚惕

豫章書案謝志此下

有衛廷珪妻孫氏吳縣人夫賈於潯陽小江口孫及二女隨之宸濠兵至母女赴水死孫年二十五長女金蓮

十四次玉蓮十一非江西人例不得立傳附注於此

王志廉妻郭氏九江衛人年二十五而寡撫孤守節歷

四十餘年

謝志

王裕妻周氏九江人裕由進士歷廣西副使以罪擬辟

周上書請代上覽而哀之赦裕罪俾歸養

豫章書

馮世亨妻柯氏彭澤人年二十三而寡撫孤守節邑令

加獎柯辭不受曰夫實不幸未亡人何榮於此乎

謝志

曾曰山妻徐氏德安人早寡生二子亦早夭以從子嗣

守節終身年八十一卒

謝志

潘溥妻曾氏瑞昌人年二十六而寡守節教子良旦由

貢生任亳州同知嘉靖間建坊旌表

謝志

韋起妻許氏德化人歸韋八年夫死生子八月父母憐

之欲令改適顧見其悲哀終不敢言後貧甚節操愈勵

子必榮以貢試選爲蘇州嘉定學官

歸義川集

桂枝揚妻曾氏德安人曾文輔之女枝揚仕吏部年三十餘卒於官無嗣宦橐蕭然曾扶櫬歸葬撫從子魯瞻

守節屢爲撫按表揚給賜粟帛年九十而歿

謝志

王頊妻夏氏瑞昌人頊卒無嗣夏年二十二撫二孤女

立從子朝相爲嗣苦節以終年八十四嘉靖閒旌表

謝志

陳璉妻李氏瑞昌人知州懷女年二十而寡子甫半歲越二年夭折其兄哀其年少無嗣欲奪其志李斷指誓

死無貳嘉靖閒署縣事范永宇特表之

謝志

陳筵妻鄧氏瑞昌人筵死鄧甫二十四生子駿方半月葬其夫於平頂山合築二壙以待事姑至孝有司奏請

建坊

謝志

陶欽民妻江氏彭澤人嫡徐氏生一女無子納江亦無子已而欽民與徐偕亡江年甫二十二哀號幾絕事姑

撫女守節歷五十餘年嘉靖閒旌表

謝志

計如玉妻謝氏彭澤人如玉卒謝年甫二十撫遺腹子成能長娶王氏成能又早卒王與姑同志守貞時稱雙節隆慶閒邑令許根善上其事奉敕旌表

謝志

程之浹妻謝氏德安人夫卒遺腹生子永爵甘貧守節副使邵夢麟巡按任春元各給粟帛獎之

謝志

孫光啟妻黃氏湖口人年十七歸孫七月而夫亡遺腹四月其父以家貧欲奪其節遂引刀截耳絕食七日後

生子夢陽習儒業補弟子員萬曆八年旌表

謝志

王三錫妻姜氏名冬瑞湖口人姜定周女年十六夫亡

家人欲奪其節貞心不改家貧課子猷成立萬厯開旌

表

謝志

王良卿妻孫氏德安人年十八夫亡斷髮刺面誓不改

適年六十餘卒

謝志

柯爍妻黃氏彭澤人年十九夫亡遺腹生子垣守節撫孤垣長娶嚴泗女未一載垣又卒嚴年十六遺腹生子鍾矢節撫孤黃年踰八十卒萬厯間邑令詳請旌表副使江以東題其門曰雙節又陶養化妻時氏以守節旌

謝志

勞欽亮聘妻朱氏德化人年十六未婚夫亡朱奔喪自縊遂合葬南薰門外萬厯九年建坊旌表題曰儒士勞

欽亮未婚妻朱氏貞節之門

謝志

王佳傳妻歐陽氏彭澤人事姑至孝年十八夫亡撫遺

腹子紡績爲生父母迫之嫁乃鍼刺其額爲誓死守節

字涅之深入膚裏里人稱黑頭節婦明史謝志舊案安志王節婦卒葬

野雞壩墓前多產異木幽禽棲焉

朱元初妻呂氏德化人嘗刲股救姑得愈及夫病又刲

股救之亦愈三乳生六子人咸謂孝德所感後旌表謝志

李仲榮妻王氏德化人年二十二守節撫孤歲荒恆茹

蕨年八十卒旌表又黃文燦妻吳氏年十九夫死守節

奉事二姑巡按陳于廷題旌謝志

盧遜妻黎氏德化人年二十三夫死家貧不肯再適守

節六十三年至八十五卒天啟閒旌表謝志

吳東開妻楊氏瑞昌人年十四歸吳姑病剜臂以療姑

御史倪元珙額其閭曰貞孝婦

謝志

何嘉穗妻張氏瑞昌人年十九夫亡守節清嚴有妹改醮生子以果餌相遺俗尙謂之報喜也張怒曰妹初爲誰家婦今爲誰家生子何報喜邪奈何以此不潔物投我擲出之其嚴正如此

謝志

柳注妻文氏瑞昌人年十七贅壻三月而寡哀慟自縊死

謝志

馮士翼妻丁氏彭澤人嫁踰年生一女士翼旋卒丁哀毀欲死以姑老強起及姑病刲股和藥進之迨姑歿女嫁丁曰吾事畢矣觸夫墓而死其女以骸骨葬壻家山上去夫墓數十武墓木枝葉悉向其夫之墓

謝志

吳氏名四貞湖口人許字於周未婚其夫不得於繼母

欲寒其盟女聞之輒嗚咽不已日方夕乃以所簪雙篋及所著襦袴各分爲二一置筓一置江頭赴水死時崇禎元年十月三日也

莊祖誥集

何一夔妻魏氏德化人年二十八夫死守節崇禎閒巡按劉宗祥題旌卒年七十有六

謝志

王錫節妻石氏彭澤人年二十守節課子有司詳請建坊石辭之子演元舉於鄉石年八十六臨卒聞室中有

鼓樂聲

謝志

夏溱繼妻孟氏德化人溱官懷遠衛經歷卒於官孟年二十八守節撫前室之子登高成立年九十四卒

謝志

文士良妻萬氏德化人方伯萬衣良女士良諸生生二女而卒萬號哭欲殉者數四父母阻之而止孝敬其姑

守節終身

求是堂集

趙守彥妻周氏德化人夫亡年二十六與妾黃氏同志

撫孤周年九十有二巡撫解學龍題請旌表

謝志府志

王尙映繼妻段氏德化人年二十撫前室之子守節歷

五十餘年崇禎閒王思任爲作傳額曰奇節可風

謝志

丁以爵妻邱氏德安人年二十以爵死遺一子應乾甫

三歲邱茹貧教子年七十有六卒崇禎九年旌

謝志

李汝聘妻桂氏德安人年二十四夫亡敬事舅姑撫育

遺孤守節四十五年崇禎閒奉敕建坊

謝志

徐來廷一作廷來妻柳氏湖口人年十七歸徐歲餘徐卒撫

孤守節卒年七十九崇禎閒旌

謝志

方氏湖口人生而貌瘠已受聘夫棄不娶女卽依母兄

紡績以養後有求娶者女曰吾已爲人棄命也倘再事人是不安命矣卒不嫁年七十餘卒

謝志

江映辰妻孫氏湖口人年二十七而寡遺孤有爰甫三

歲家貧誓死靡他課子有成緒復以課孫崇禎間年七十五邑令劉延漢嘉其節爲之請旌

謝志

許近萬妻查氏彭澤人年三十無子近萬卒查仰藥死

謝志

戴註禮妻何氏瑞昌人李闖犯縣何避匿河濱賊追及

之何曰可速殺我因沈河死同邑鄧烈婦亦死於賊

謝志

雷作霖妻何氏汪士芳子婦李氏俱瑞昌人死李闖難

謝志

王惟聖妻羊氏周明字妻譚氏陳其瑞妻李氏萬世奇

妻朱氏李尙俊妻周氏俱瑞昌人死李闕難

府志

徐必達妻楊氏德化人必達崇禎武進士官至南贛總

兵時聞粵賊起必達撫之不就戰於石陽之螺山師潰

死之楊聞投繯以殉

謝志

魏光字妻陳氏德化人早寡守節明末城危同子婦孫

氏以次投井孫氏嫂余氏亦同死

謝志

毛調元妻

府志作毛光卿妻

廖氏九江衛人歸毛生子明遴而

毛歿明遴長舉於鄉娶朱氏會左良玉兵入城廖死難

朱氏奪賊刃自殺女大姑適夏旣瑚二十而寡至是隨

母同死時稱一門三節

謝志府志

黃開先繼妻李氏德化人事舅姑孝撫前室之子雲師

如己子左兵東潰李誓不辱溺舍中魚池死

謝志

劉健一作健妻畢氏彭澤人嫁二旬夫喪守節歷三十餘

年乙酉夏兵亂死之

謝志

萬有年妻毛氏德化人有年舉於鄉乙酉城陷毛氏被執不辱裂尸而死

謝志

朱景賢妻張氏德化人幼通經傳事舅姑以孝著乙酉城危張於室中爨木器積薪其上謂夫曰此妾致命之地也城破自焚死

謝志

朱召廉妻金氏德化人左兵入城金率二女自縊死婢

某亦縊於其旁召廉一慟而絕又繆用中妻陳氏守節

撫孤左兵陷城自縊死

謝志

廖士貞妻史氏德化人乙酉左兵屠城史自縊死士貞

祖母王氏繼母萬氏俱相繼投繯稱一門全節

謝志

萬堯化妻樊氏德安人左兵執之不屈斫其胸死

謝志

王秉陽妻洪氏彭澤人避地陶潭鄉左兵掠之厲罵被

殺

謝志

文華妻何氏瑞昌人乙酉五月闖賊至境罵賊以死

時年二十二

謝志

李氏德化人貢生邦傑孫女年十六許聘黃氏未婚夫

死誓不再適左兵東下李隨父母匿蘆林內兵獲之忿

罵不絕引頸受戮

謝志

汪應祥妻沈氏從女瑞妹湖口人死左兵難

謝志

陳力妻饒氏名蘭彭澤人死左兵難

謝志

吳士章妻王氏吳用一妻張氏饒吳伯妻鄒氏俱德化

人死左兵難

謝志

國朝

王啟敬妻梅氏湖口人年二十一夫亡守節六十年梅

工繪事既寡唯寫梅菊以寓其志

府志

鄧之元妻孫氏瑞昌人順治戊子金聲桓叛孫爲賊執
不辱被殺

安志

鄒東妻姚氏德安人鼎革閒爲游兵所掠同繫婦女七
十餘人統兵官察其事遣人防護尋皆遣歸姚曰婦人

不出閨門一出便當死矣遂自縊

府志

謹案順治康熙開德安殉難婦女

謝志有郭賢操妾劉氏桂登魁妾繆氏

王娥九江人屠者女順治十四年西門火王屠醉臥娥
奔烈燄中呼父不起遂共焚死文德翼爲文紀其事

求是

集

尙某妻朱氏廣西人尙籍德化行估廣西娶之既歸里
誕一女尙復出游不數年死朱撫女守節紡績自食會
女又死守節如初尙無期功之親朱煢煢子立垂四十
年而卒人目爲苦節

府志

周岱生妻楊氏德化人康熙中隨岱生之官廣西平南
縣甲寅平南陷岱生爲賊繫并執楊至桂平和墟社罵
賊自剄廣西巡撫郝浴奏贈宜人子儻蔭知縣

謝志

桂登琛聘妻孫氏德安人未婚登琛歿以奔喪請於父
母不可縞衣而處矢貞自堅有姊歸甯微勸之女厲聲

曰人各有志毋多言服闋自經康熙四十九年旌

謝志

劉焜妻高氏德化人年二十五夫亡撫子四人守節時
祖姑年老不能食高日以乳進凡數載祖姑貌若嬰兒

年九十二卒教四子俱成立同邑陳緝五

一作武

妻江氏

宋啟謨妻虞氏俱年未二十苦志守節雍正八年旌

謝志

羅憲雲妻蔡氏德化人年二十六夫亡奉姑撫孤子苦

節三十三年同邑楊憲宇妻吳氏年二十五夫亡側室

一子甫三歲吳撫之成立苦節三十餘年雍正九

一作七

年旌

謝志

黃鍾嶽妻陳氏楊徽典妻萬氏趙萬式妻文氏熊昌時

妻羅氏饒士銓妻羅氏趙光開妻雷氏劉子芳妻陳氏

邢彩九妻葉氏孫纘志妻張氏邢楷妻馮氏史集勳妻

王氏葉萬裔妻熊氏趙光普妻何氏子婦楊氏黃騰杞

妻熊氏劉公夏妻金氏劉晉妻黃氏王世求妻張氏羅

光鏐妻袁氏喬若蘇妻薛氏羅光錦妻傅氏金必有妻

費氏陳虞裔

一作裔虞

妻蔡氏宋汝爲妻柳氏黃何

一作河 漆

妻蔡氏段有文妻周氏並德化人皆年二十餘夫亡撫

孤矢志守節歷數十年又文德翼妾喬氏奉姑以孝謹

聞並祀節孝祠

謝志

楊曰澍妻黃氏湖口人年二十九夫亡守節凡四十一

年雍正七年旌

謝志

李聯璧妻周氏瑞昌人聯璧官成安知縣衙齋火母老

且病驚死周奔救火烈不可復出與姑俱燼大府上其

事得旌

府志

劉子房妻陳氏德化人強暴侮之不從憤自縊死事白

以烈旌

府志

張順達妻史氏德化人父超諸生教之讀書能明大義

年二十一夫亡勵志守節嘗爲詩上其父曰剔目有其方斷背亦有說鏡破不復圓絃斷安能接讀者哀之

府志

呂洪愷妻萬氏德化人年二十七夫亡苦節撫子晝夜

飲泣遂瞽一目歷三十四年卒

府志

劉錫貞妻羅氏徐世樞妻張氏徐世權妻何氏何聖先妻熊氏姜士毅妻鄭氏楊復振妻汪氏並德化人夫亡

食貧守志以苦節終

謝志

周昌伯妻余氏德化人年二十二夫亡無子旣殮觸棺破首絕粒不食夫兄爲之立嗣責以大義乃起強食守

節三十五年卒

府志

鄔士愷妻向氏蔡大勳妻周氏並德化人夫亡翦髮誓節同邑黃士熹妻陳氏引刀割面廖教杰妻王氏刺目

明志殷日漢妻黃氏刎頸不殊皆以苦節終府志

閔登甲妻廖氏德化人年二十三夫亡子又殤舅姑以

老病繼卒喪葬畢麻衣自經死府志

饒振琦妻黃氏德化人年十九夫亡守節嘗建石橋於

其鄉人呼石節橋府志

黃光鼎妻周氏德化人夫亡自縊謝志 謹案德化殉夫婦女府志有饒贊

武妻王氏吳登魁妻王氏黃載章妻董氏熊章甫妻郭氏呂先登妻劉氏譚魁萬妻夏氏吳光德妾劉氏李道

信妻祁氏安永清妻馮氏鄭運奎妻何氏彭嘉謀妻王氏王邦廷妻胡氏張永玉妻熊氏夏堯輝妻王氏王以

桂妻劉氏李嗣膺聘妻徐氏周國光聘妻金氏吳某聘妻萬氏名淑嫵郭武揚妻周氏楊光輝妻張氏王某聘

妻羅氏熊昌時妻羅氏張國倫妻王氏黃儒廉妻李氏蔡銑妻張氏楊啟楹妻周氏傅咸熙聘妻黃氏彭元善

妻蔡氏余第敬聘妻朱氏名柳妹

陸氏德化人適同邑何啟英何行不良累規勸之輒不

見答仰藥而死冀效尸諫同邑周氏適譚士興柯氏適

王某皆以夫行不良自盡周仰藥死柯闔戶自經謝志

桂由濟妻李氏德化人年二十三夫亡事姑孝姑歿自

縊謝志

王某聘妻羅氏德化人父嫌婿貧悔盟女自縊死同邑

李開貴聘妻洪氏名慧蓮既字開貴貧不能娶告於洪

使他字女自縊死王某聘妻羅氏夫貧羅議改聘女亦

自縊死謝志

劉利泮妻曾氏德安人夫亡衣麻帶經自經衣帶間有

絕命詞謝志謹案德安殉夫婦女府志有程聖璋聘妻陳氏伍學秀妻熊氏

李凡明妻徐氏德安人秉性剛正或為詞諱之懷憤自

經同邑洪開敏妻楊氏為無賴子所詈憤自溺死並被

旌表謝志

邱鑑女名金蘭德安人字新建劉某未婚家有傭工曰余訓達乘風雨夕挾刃傷之女亟呼父余剗刃於頸死之事白置余於法以貞女旌謝志

周奇訓妻李氏德安人年二十七夫亡家貧無子或諷改適李乃閉戶不食示必死鄰家婦破壁解之始免歲饑日食米合許終無悔凡三十三年而卒謝志

周盛宇聘妻陳氏瑞昌人未婚夫亡號泣不絕投塘水

死謝志謹案瑞昌殉夫婦女府志有劉世佩聘妻周氏周盈宇聘妻陳氏董惠吉聘妻何氏王文星聘妻

柯氏蔡希賢聘妻盛氏徐文嶸聘妻李氏潘明灼聘妻葉氏徐勉捷妻張氏李華彩妻楊氏柳天毓妻文氏劉

尙義妻何氏文存洛妻楊氏陳緯範妻楊氏丁天勇妻范氏徐世文妻孫氏張公獻妻周氏胡士德妻陳氏桂

德濟妻胡氏梁源彬妻王氏王隆恩妻周氏程德高妻劉氏何鏡妻鄧氏何咸潯妻陳氏陳謨猷妻成氏朱美

成妻周氏何鼎傑妻鄧氏李屏魁妻
范氏田富晉妻陳氏周慶溥妻王氏

周國鉅聘妻游氏瑞昌人未婚夫亡周之母某氏年二十六而寡苦節撫國鉅兄弟成立至是已卒游慕姑節詣周氏守貞十年一夕夢姑與夫召之次日無疾卒

府志

文振鳶妻劉氏江蘇人振鳶籍瑞昌劉父酈與振鳶父同官廣東遂締姻好未成婚振鳶死劉聞哀慟請於父母歸文氏守貞劉嫻詞翰嘗念夫墓在粵賦詩有三十里外賸餘生句聞者哀之

府志

王子瑞妻劉氏瑞昌人夫亡撫七歲孤守節及冠爲娶婦高氏而子又卒高勵節如其姑嘗啖糠粃營女紅易粟以膳劉兩世皆以苦節聞

府志

戴簡文妻王氏瑞昌人年二十六夫亡臨訣斷髮以誓

雅有清操同邑范派蕃妻葉氏范仲遜妻李氏張侶松妻王氏夫亡截髮見志余正明妻許氏夫亡引鍼自刺流血被體黃應秀妻蔡氏夫亡自破其面咸欽苦節府志柯道珍妻曹氏瑞昌人既歸道珍得狂疾奔走不可限止道珍出曹隨護之一日墜於溪水流湍正急曹無所措遂以身殉水平兩尸追隨如其生府志

鐵山婦德化人歸湖口某某爲榷隸常處於外夜大火延婦舍舍後傍鐵山塹高倉卒不可上有援之者婦慨然曰男女授受不親死吾命也竟焚死府志

謝景虞聘妻劉氏湖口人未婚景虞以獄事被逮劉聞垂泣不食尋有譌言景虞將抵法遂自縊死府志

崔任嵩女名杏姐湖口人育於繼母母外出歸無賴子

爲蜚語謗女女忿甚墜樓不得死夜投池水

府志

譚文煥妻余氏湖口人夫亡毀容矢節同邑王爲伊妻
曹氏夫亡割耳守節周飭材妻何氏夫亡截髮斷指撫
二子成立周遇奇聘妻蔡氏段澳淇妻李氏並夫亡截

髮

府志

周學臣妻柳氏湖口人年二十三夫亡撫子孝事其舅
夜中有虎突門舅出驚仆柳急拯之徒手擊虎虎逸去
遂全其舅

府志

秦義祥女湖口人適同邑曹某無行倡嫁秦溺水死同
邑蔡相呂女字於某婿貧無行寄言勸之婿無悛意女

乳藥死

府志

徐際岱妻楊氏湖口人夫亡守節孝事其姑姑病禱天

請代姑卒積勞過哀至損其目子大勸妻李氏年二十
六夫亡守節孝事於楊楊患背癰潰而生蛆醫者謂不
吮則不可治李吮之無難色楊疾旋愈鄉里並賢之以
爲節孝繼美云

府志

周佛佑聘妻蔡氏湖口人年十四未婚夫亡蔡奔喪絕
粒舅姑慰之留侍於周會舅姑亡苦節撫嗣行愈修飭
子長有孫殉夫之志猶一日年六十有五告於家自縊

死

府志

蕭鵬戴妻朱氏湖口人事姑至孝時方亢旱姑患渴疾

思泉水朱拜井而禱泉忽湧出汲以飲姑疾遂愈

府志

謝以炳妻路氏弟仲秀妻鄭氏季純妻吳氏湖口人以
炳兄弟並亡三婦勵節事姑姑病癰交迭吮之而愈人

稱三孝婦府志

張紹坦妻程氏湖口人甫歸而紹坦病篤解妝以待紹

坦卒自經殉之府志謹案湖口殉夫婦女府志有沈

歐陽氏黃澄妻郭氏

胡文光妻江氏彭澤人善事其姑夫亡無子誓以身殉

姑卒乃自縊府志謹案彭澤殉夫婦女府志有柯在

方巖風聘妻何氏高秉莊妻董氏劉良臣妻周氏艾懷

英妻駱氏劉才傑妻柯氏張修禮妻柯氏柯時中妻周

氏陶攀龍妻歐陽氏駱有為妻劉氏高魁妻汪氏張伯

禮妻魏氏汪士錡妻丁氏項蔭慈妻柯氏周珏之妻趙

氏扶端本妻汪氏葉文玉妻何氏歐陽鍾聘妻高氏丁

待寶聘妻王氏頤程模妻吳氏詹懋梧妻丁氏王樂吾

妻陶氏計敦本妻張氏丁際盛妻柯氏項宜晨妻石氏

計汝暹妻劉氏彭澤人夫亡姑相繼卒刎頸不殊截髮

自守同邑洪自許妻歐陽氏夫亡引刀自破其面項師

造妻汪氏夫亡翦髮誓志懷刀自隨以杜匪僻王欽榮妻高氏夫亡毀容紡績撫二孤皆成立謹嘉興妻某氏

夫亡截指明志

府志

陶得要妻陳氏彭澤人歸五年得要疾危家綦貧行乞得錢以事醫藥越三年得要亡陳投井死井今存每歲當陳死之月井必涸

府志

汪鑑祥妻陳氏彭澤人年二十三夫亡子殤以從子嗣或覲其所有迫使他適陳自縊死

府志

宋善成妻程氏彭澤人夫亡守節終其身無復喜笑同邑饒萬祿妻萬氏夫亡不復櫛沐

府志

劉惠蘭妻方氏彭澤人夫亡無子依寡嫗以居紡績自食厯四十餘年積其所得建雪心橋

府志

時國輝妻戢氏彭澤人夫亡守節姑嘗患癰於項毒深

不可治戢吮之而愈

府志

歐陽恭榮妻李氏彭澤人夫亡守節歷四十年嘗有寡

鵠自至棲於牖上羣鵠相啄則入牀後避之率以爲常

府志

項若浩聘妻洪氏彭澤人未婚夫亡洪告於父母歸項

守貞者數十年迹不踰閭外人罕得見之洪幼習書史

若浩亡遂焚筆研既病亟爲絕命詞一章稍傳於人

府志

朱晨曦妻歐陽氏彭澤人夫亡自經子維屏妻葉氏維

屏亡入井死世稱一門雙烈

府志

張聯芳女名貴妹彭澤人年十六未字母病顛自縊女

從死寔於淺土三年改遷棺已朽容色如生

府志

余思渠妻夏氏德化人年二十二夫亡守節事其舅能
致孝敬咸豐間粵賊入境與夫兄妾熊氏從子婦項氏
避兵桑落新洲土穴中賊至援索得之堅拒不屈賊扑
之膚腐而潰又以火迫之毛髮盡焦賊乃舍去夏復招
熊氏項氏以繩聯屬並投於江浮沈不死達於南岸而

免

府志

張東耀妻施氏德化人施故貧乏童養於張東耀早喪
父母依祖以居性愚憊不能辨菽麥鄰婦或諷施自爲
計施正色言吾家止三人相依爲命有貳心必干天譴
聞者敬之年二十五夫亡篤志守節以女紅營甘旨者
十有餘年卒時東耀之祖尙存

府志

胥復旦妻黃氏德化人咸豐中亂軍入其室復旦逸黃

登樓自縊

府志

陳錫祚女名玉貞德化人父亡悲號數日不食而死府志
朱明貴聘妻鄒氏德化人未婚遭遇強暴被七十二刃而死事白以烈旌里人立貞烈朱鄒氏碑於夏家河橋

府志

何章彬聘妻戴氏德化人幼有孝行未婚夫亡徑往事姑安貧立節咸豐中粵寇至賦絕命詞自縊家人解之寇亦不至年四十八卒爲詩若干卷曰志柏遺草府志

蔡文冠女名葩姑德化人孝事父母願終身不復相離聞有議婚者自毀其容絕之年七十卒葬鄉之西華隴

人名其山曰葩姑山

府志

李繼發妻劉氏德化人敬事舅姑夫弟及其婦並歿

斂具營葬無所吝子鴻賓官廣東巡撫嘗市裘爲壽劉

斥其華靡藏而勿御封一品太夫人年九十二卒

府志

萬相宸妻王氏德化人側室徐氏華亭人徐有子青藜
生六歲而相宸卒王徐同志守節教子義方家居近廬
山一峯險仄臨水樵者或顛踣蹈不測徐出積資鑿石
通道爲杠以渡絕巘鄉里德之以青藜貴並封一品夫
人徐蚤歲寡請旌建坊年七十青藜督學浙江徐卒於

杭州官署

府志

史乃賡妻駱氏德化人咸豐三年粵賊自武昌東下突
入新洲乃賡扶母入避土窖駱行失後抱子赴水死小

姑五嫔從之

府志

謹案德化婦女殉粵賊之難者府志有代珍妻虞氏夏訓賢妻鄭氏譚選

駮妻鄭氏呂心連妻柳氏張永慶妻歐陽氏熊欽智妻
孫氏孔憲華妻龔氏蔡懋德妻黃氏陳濟美妻盧氏張

堂熙女孫回妹郭榮春聘妻梅氏郭象
鰥聘妻劉氏梅首鉅聘妻李氏名嫺

夏浙輝妻聶氏德安人咸豐四年粵賊陷城聶知不免

藏利翦身畔賊至奮刺傷其額賊怒殺之

府志德安婦女殉案

粵賊之難者府志有陶某妻熊氏燕克林妻李氏黃顯清妻李氏黃先珩妻鄧氏黃先旺妻王氏

馮承俊妻柯氏瑞昌人夫亡守節粵賊入境扶其舅行

遇賊柯抗節死其舅獲免

府志

馮某妻何氏瑞昌人咸豐間粵賊入境其夫隨父信傑

同出禦賊麾何急避何不忍行死之

府志

馮宗祿妻何氏瑞昌人粵賊入其門脅宗祿行何憤甚

裂白布束首連刃七賊旋爲賊所殺

府志

文增妻王氏瑞昌人增服官臨清粵賊陷州城王與子

峻業以罵賊遇害一門同死

府志

謹案瑞昌婦女殉難者府志有馮畢

義祖母某氏妻彭氏馮宗玉妻向氏馮畢文母何氏馮
宗學妻何氏馮畢貽妻陳氏馮宗元妻柯氏馮承迎妻
何氏馮承說妻徐氏馮承富妻何氏馮信成妻龔氏馮
畢諫妻張氏董滕孚妻趙氏董華桂妻馮氏董國綱妻
馮氏王儒希妻周氏王崇任妻鄒氏陳崇
理女蒲妹何咸照妻徐氏馮寬瑜妻何氏

謝垂禮妻王氏湖口人粵賊入境命子庭芝練鄉兵守
邨口賊乘夜入邨王聞警急呼庭芝禦賊賊殺之庭芝

妻張氏從夫乘屋彈火擊賊爲賊所殺府志謹案湖

之難者府志有梅報第妻柳氏廖年廷妻沈氏屈瓊田

妻柳氏崔耀采妻曹氏崔義興妻徐氏張以興妻王氏

梅長述妻張氏吳榮泰妻郭氏吳世茂妻劉氏劉有慶

妻梅氏歐陽致敬妻陳氏傅榮泰母劉氏洪夢麟妻劉

氏洪振朝妻歐陽氏洪華謙妻沈氏沈景配妻劉氏沈

甫高妻陳氏沈起鳳妻王氏周彝鳥妻沈氏徐欽誠妻

屈氏夏德勳妻徐氏王玉章妻曹氏秦來儀妻郭氏彭

文煥妻林氏沈會友妻石氏張耀彩妻段氏劉學廣妻

周氏施相賓妻劉氏王永盛妻沈氏沈和芸妻饒氏洪

安民妻余氏徐訓欽妻李氏余顯倫妻王氏周勝林妻

鄒氏劉長青妻游氏李敦信妻江氏沈春華妻余氏王

道凝妻曹氏崔環圖妻梅氏王東璠妻沈氏謝寶泉女

水妹謝作庸女一妹謝邦虎女隱老彭明舉女細妹張
 東望女四老張錦榮女細妹劉金麗女初妹洪三才女
 真香洪志華女蕙英沈敬臨女胡妹劉燦球子婦江氏
 沈恆誦女火妹沈克明女桃秀洪廷遠女正妹沈瑞耀
 女返妹沈魁早女貴英王明波子婦楊氏名
 菊英王尚頤女潔秀楊世亨女二臘妹玉妹

劉揚錦妻高氏湖口人夫亡守節事姑孝粵賊入邑姑

年八十餘方臥疾高不忍去賊感其孝相戒勿掠

府志

蕭麗春妻陳氏湖口人有孝行粵賊至縛其舅將加笞

楚陳急出求代曰甯殺我賊並釋之

府志

凌註經妻曾氏彭澤人註經諸生督鄉兵禦賊死曾憤

不欲生以舅姑老病不忍訣會舅姑繼亡遂死

府志

彭振瀾女名蠶月彭澤人粵賊入境隨諸母入方家山

賊眾奄至諸母散失女攀蘿葛入巖穴閒賊踵至刃之

不死以矛貫其喉卒閔九月賊還振瀾覓女尸不得遇

土人方維賢導行石巖間得之衣服皆朽獨雙鳥燦然飾首之銀具存焉先是維賢避賊於他巖穴遙覩女罵賊死事狀盡得其詳會亂稍定維賢行販於遠夜寐忽驚若有速之歸者既抵山乃遇振瀾言狀得女尸

府志

李某女名愛弟彭澤人年十七猝爲粵賊所掠閉置樓中女奮身墜樓下不死賊以矛刺之遂絕

府志

歐陽霖妻高氏彭澤人粵賊陷城霖鄉居集族人爲保衛計高顧霖曰時尙可爲勿以家故忘圖賊或念伉儷乞一生祭文足矣會同邑王氏女字於凌未嫁夫亡適凌氏守貞請高偕行避居凌氏鄉堡賊破堡高走山險賊踵至迴立怒罵賊露刃環之罵益急遂遇害是夜霖夢高言死賊狀越四旬得遺骸於灰燼間霖官河內知

縣高以節旌

府志

陳謨妻石氏彭澤人粵賊至匿深山中賊搆得之大罵被殺經旬謨往收尸不獲猝聞叢薄羣禽環噪若相邏守異而視之尸在焉面如生

府志

凌鶴鳴妻曾氏彭澤人鶴鳴成進士歸練鄉兵禦賊積勞病歿三子皆死會賊至詢爲鶴鳴妻怒曰爾夫仇我爾今亦遇我邪曾罵不絕口遂遇害

府志

凌傳經妻楊氏彭澤人粵賊至楊扶姑逸山中姑爲賊獲楊持刃奔救賊舍姑與之鬪力不敵爲賊支解

府志

葉懋登妻歐陽氏彭澤人年八十臥病牀第罵賊被殺

時酷暑歷二旬餘家人收其尸如生時

府志

曾蓮品妻韓氏彭澤人同泊中爲粵賊所掠怒批賊頰

賊憤而磔之府志

汪先善妻章氏彭澤人先善死於盜章奔告於官陳牘

再三卒雪仇憤同治二年粵賊入邑被殺府志謹案

粵賊之難者府志有王勳常子婦汪氏張景駒妻馮氏

高廷彩妻歐陽氏馮達材妻陳氏高時達妻柯氏聞品

三妻高氏汪維喬妻丁氏楊常均妻歐陽氏李友松妻

韓氏歐陽翠羣妻羅氏李某女園秀石秀崑妻胡氏周

樞之妻丁氏閔羣泰妻周氏頂元超妻汪氏陳學賢妻

汪氏謀某妻李庚蓮李松友女釐妹柯森母王氏方又

占妻彭氏劉運懷妻曾氏周春發女金榮歐陽某妻費

氏馮某妻劉氏劉渭璜妻陳氏周春松茂妻張氏馮藻衡

妻宗氏劉召棠聘妻陳氏徐培成妻洪氏饒靈瑞妻宋

氏陳大經妻劉氏汪班學妻劉氏何晉三妻柯氏曾作

羹女汪士楷妻朱氏馮恢壽妻周氏馮時和妻汪氏馮

時立妻張氏盛如金妻熊氏熊霞秀妻游氏陳希召妻

張氏歐陽玉田妻陳氏汪作勝母項氏許鑑倫妻汪氏

聶炳如妻高氏凌悅蓮妻歐陽氏劉廷選妻張氏劉瀾

源妻陳氏歐陽和清女臘梅歐陽永昌妻鄭氏劉士矩

妻歐陽氏張振興妻汪氏汪錫敬妻李氏李可法妻嚴

氏周澤光妻陳氏李達漢妻嚴氏汪秀榮妻劉氏汪馨

亭母劉氏汪洪志妻石氏馮時通女蓮英曾達傳妻饒

氏曾邦達妻洪氏易迭元妻汪氏子婦宋氏歐陽守謙
妻朱氏汪佩聲妻王氏曾彰若妻凌氏子婦劉氏宋邦
瑞妻洪氏劉持勤妻時氏歐陽敘典妾艾氏陳克繩妻
王氏李萬鍾妻曹氏方崢嶸妾董氏陳祖恕妻余氏項
濯之妻艾氏李生之妻何氏宋保喜妻張氏彭攸宜妻
某氏歐陽紹傳妻王氏徐席珍妻汪氏高宏業妻歐陽
氏張揚烈妻柯氏汪廷鵬妻何氏朱鄴華妻彭氏周芳
之妻曾氏歐陽源妻高氏田咸泰妻宋氏曾錦梅母馮
氏妻邱氏從子婦吳氏備婦汪氏宋義助妻洪氏鄭際
享妻柯氏洪熙然母高氏汪士杰妻危氏汪士林妻鄧
氏汪士謨妻歐陽氏汪從龍妻喻氏汪朝禮妻嚴氏汪
永清妻傅氏汪悅蓮妻陳氏楊秀嵒妻駱氏張弧妻楊
氏張朝贊妻汪氏周羣光妻朱氏劉翔妻方氏周運昌
妻劉氏周鈞陶妻馮氏陳嘉謨妻洪氏馮某妻傅氏歐
陽彬雅妻嚴氏嚴基大妻吳氏袁榮楊妻汪氏袁燮光
妻陳氏劉法中母張氏劉法純妻張氏劉法良妻丁氏
劉聲聞妻高氏劉敬身妻汪氏劉樹訓庶祖母馮氏曾習泰
楨母陳氏劉才參妻吳氏劉樹訓庶祖母馮氏曾習泰
妻劉氏曾厚民母歐陽氏歐陽泰瑣妻曾氏曾連元妻
周氏曾陞春妻凌氏曾怡性妻于氏歐陽天篤妻劉氏
王積善妻李氏王海宇妻汪氏王永江妻周氏王泗海
妻劉氏王永明妻歐陽氏李芳滋妻陸氏李鈞爵妻王
氏葉榮耀妻薛氏何怡福妻王氏何玉珩母陳氏鄭俊
彥妻馮氏鄭臘小祖母汪氏周作敬妻任氏趙如海妻

馮氏馮起字母洪氏曾庚吉妻何氏歐陽翔九妻曹氏
汪嫺禮妻程氏汪嘯茂妻盛氏汪宗翰妻聶氏汪超羣
妻歐陽氏汪占魁妻金氏周芳春妻
曾氏曾佩岳妻劉氏汪春生妻劉氏

列女十二
南安府

宋

劉氏南康田家女及笄父母許字高州蔡氏已而悔之
更以許字吳氏未幾吳死又欲以歸蔡女曰先使我棄
蔡從吳今又欲從蔡負吳是大傷風化何視吾身太輕
也悲痛發憤自沈潭水而死鄉人避之名曰賢女潭立
祠於其旁

謝志謹案劉氏
林志又載入贛州

元

曹氏名道成大庾人元時爲廣寇花丈老所掠郡軍適
至曹取刃殺花寇及其妻子十三人開關納軍遂破其

寨後歸家以壽終

豫章書

何用妻甘氏名妹資上猶人思孔女孫年二十夫死姑老甘竭力事之已卯元兵屠城甘與姑逃於寨寨陷姑死元兵執甘以歸於帥適至溪潭遂赴水死元兵愕然曰真節婦也主簿黃桂開嘉其節為立祠潭上每歲春秋命社長主其祭後人名其潭曰妹資潭

謝志

徐人

一作仁

妻謝氏名十

一作千

九娘上猶人年三

一作二

而夫亡家貧孀居夫黨有徐祥者陰許為富家鍾子茂妾謝聞之不勝悲怒訴於縣不為理乃號慟終日自縊而死大德間廉訪司至縣祭之表其墓曰節婦作詩刻石以記

明一統志

明

彭道誥妻劉氏大庾人年十八夫死數月始生男程賴
教養卒成其學仕至博羅縣丞程卒劉復養其二孫俱
成立年八十卒知府張弼賦真桃篇美民閒四節婦劉
其一也其三爲上猶張本鎮妻蔡氏曾一麟妻張氏南
康王時彥妻劉氏

林志謝志舊案安志彭節婦與王
府志貞桃篇所美四節婦則劉蔡

張及李氏而王節婦劉氏不與焉

譚翼妻鄒氏大庾人死金川之難

謝志

扶堅妻盧氏大庾人永樂閒堅以郡諸生詣京師與修
大典盧偕行事竣入監堅卒時盧年二十八守志不貳
壽一百二歲知府姚旭爲建上壽坊

謝志

張禎妻曾氏上猶人年十九禎死無子曾矢志守節孤
苦自甘終身布素雖三尺童子不見也

謝志

終一節又劉漢章妻羅氏年二十八而寡守志不二知

府盧潛上其事於朝

謝志

陳宗球妻史氏南安人夫死將殉有期矣尙爲姑釀酒

姑曰婦已決死生存無多日何辛苦爲曰政爲日短故

釀而奉姑將死告舅曰婦有喪幸無髹棺遂自縊死

明書

吳在甫妻奚氏南康人在甫卒奚年二十家貧堅志守

節翦髮自誓盡孝事姑年六十餘卒

謝志

張仁妻朱氏大庾人仁卒朱年二十撫遺腹子守節不

二年九十二卒嘉靖閒御史沈鉞旌其門知府陳堯爲

之傳

謝志

賴養能妻吳氏南康人年二十三夫死無嗣誓志守節

閨範肅然提學蔡克廉檄縣獎之年九十卒

謝志

胡玉妻何氏上猶人年十九玉死家無擔石何辛勤織紉孝事舅姑撫遺孤祥澤篤志守節斷指以誓年八十

九卒

謝志

曾仕卿妻劉氏上猶人年二十夫亡無子劉誓節侍養舅姑操行貞潔督學蔡克廉郡守林介咸旌其門

謝志

劉宇妾陳氏大庾人宇卒陳年二十六子自新甫晬有諷之他適者陳引刀劃面勉子業儒隆慶間巡按任春

元旌其門

謝志

張翔妻許氏陳鵠妻蔡氏王愷妻彭氏蔡奇妻孫氏俱大庾人夫亡堅守稱四節婦萬厯閒旌

謝志

王事徐妻汪氏南康人年三十夫亡守節年六十餘卒

萬厯十年旌

謝志

劉志學妻王氏劉自修妻張氏張一源妻劉氏鍾禹卿

妻吳氏劉章妻謝氏俱大庾人稱五節婦

謝志

商志賢妻陽氏南康人志賢卒陽年二十有子方晬誓不再嫁事姑何氏以孝聞萬厯二十年御史陳效具奏

建坊

謝志

尹承獎妻胡氏上猶人蚤年夫亡守志終身萬厯二十

九年奉詔旌門

謝志

蔡紹周妻李氏大庾人蚤年夫亡矢節以守後旌門

謝志

鄭乾妻謝氏大庾人年十四適鄭半載而寡家貧無子

或諷以改適卽剪髮誓不踰閬朝夕紡績終身衣素萬

厯三十三年卒年六十四御史吳達可題旌

謝志

鄧怡妻賴氏南康人年二十四夫亡遺孤甫三歲有富

家強求婚賴挾刃自防以死爲誓虔撫歲給粟帛存恤之又吳望昭妻郭氏亦以撫孤守節旌

謝志

郭處易妻蕭氏南康人處易病將殞與妻訣曰汝少母爲二孤故自苦當善事後人蕭嚙指泣曰此何言也妾事君有年豈不諒妾邪脫有異志有如此髮遂剪納處易懷未幾卒短髮數十年撫孤成立邑令傅爾佐請旌大學士劉一燝爲賦貞節篇

謝志

劉廣述妻張氏上猶人年二十有四夫亡守節備歷艱辛撫孤吳成諸生孫應貢選拔貢生巡按陳于廷張詮咸褒其節爲樹勁節坊

謝志

劉應朝妻吳氏上猶人萬厯間山寇爲亂吳懼辱抱女

投江死

謝志

王一詔妻賴氏南康人年十八夫死斷髮自誓守節靡

他卒年六十餘巡按張汝懋題旌

謝志

郭希綸妻王氏南康人年二十四希綸卒王持服盡禮
上事舅姑下撫孤子堅志無貳親族有使老嫗諷之改
適者王持刀自刺嫗救之得免御史田珍題旌卒年九

十八

謝志

曾効妻吳氏上猶人年二十三夫亡堅志砥節歷六十
二年撫二子成諸生年八十四卒巡按御史題旌

謝志

彭成鳳妻蔡氏大庾人成鳳亡蔡年二十七矢志守節
事姑李以孝聞撫子成立崇禎四年御史葉成章奏請

建坊旌表

謝志

郭民父妻易氏南康人寓居大庾崇禎辛未流賊鍾三

石犯境易為賊執不辱被殺謝志

劉仁壽妻張氏大庾人早寡斷髮自誓事舅姑承顏繼

志訓育遺孤至成立卒年八十有八巡按周燦具題旌

表謝志

鍾亮沂妻張氏崇義人及笄歸鍾生子廷林年十五成

諸生既而亮沂與廷林皆歿遺孫宣盛僅二齡張復鞠

育之亦成諸生年八十一卒謝志

國朝

蔣清玉妻黃氏大庾人順治丙戌為兵所執犯之不可

怒挾其目流血被體辭色益厲兵義而釋之遂眇右目

府志

彭之驊妻蕭氏大庾人丙戌兵亂死之府志 謹案順治康熙間大庾

殉難婦女謝志有謝國盛妻劉氏鍾樸妻許氏

王祐妻扶氏南康人順治丙戌兵至懼辱投玉字街井

死府志 謹案順治康熙間南康殉難婦女謝志有蔡顯初妻賴氏王嘉熙妻蔡氏蔡國藻妻王氏王紹袞

妻鍾氏

林高瞞妻陽氏南康人年二十四夫亡守節有子春英

數歲順治丙戌遇兵身被數刃卒無所辱其孤獲全府志

吳玉節女名佛英上猶人年十五未字讀書能通大義

順治閒寇亂與兄登遴妻周氏墮巖死府志 謹案順治康熙間上猶

殉難婦女謝志有張政宏妻尹氏方來旦妻黃氏陳安

有蔡志奇妻李氏尹經善妻朱氏曾代達妻鄒氏周松生聘妻曾氏李朋郎女

張世通妻曾氏贛州人世通籍上猶蚤卒有無賴氏冒

為同宗迫曾改適曾不從投贛河死順治閒旌謝志

王廷銓妻曹氏大庾人康熙十六年寇掠其所居楊梅城廷銓父死難曹度不免躍入火中死

府志

賴尙珠妻郭氏南康人歲貢生良工女年二十二夫亡守節孝事舅姑父死於兵力求骸骨葬之母弟爲寇所掠罄簪珥贖之歸撫孤子建柏有成年六十卒康熙四

十九年旌

謝志

陳世祿妻彭氏朱炳妻李氏陳其蔚妻宋氏朱汝道妻李氏張懋桂妻蔡氏曾宏修妻尹氏黃光義妻李氏俱大庾人矢志守節李仙祈妻王氏南康人年二十三夫亡事姑訓子並有懿行守節四十餘年劉嗣稷妻張氏崇義人年二十八夫亡撫孤守節凡三十五年卒吳行卓妻張氏上猶人年二十二夫亡守節歷三十三年卒

皆雍正四年旌謝志

蕭孔詔妻曾氏崇義人年二十二撫孤守節同邑鄒嘉

旨妻張氏年二十四守節二十四年卒盧大濂妻劉氏

南康人年二十七夫亡撫孤守節凡二十年而卒皆雍

正五年旌謝志

吳徵搏妻劉氏上猶人年二十四夫亡守節凡二十一

年卒鍾伯瑞妻鄧氏大庾人年二十餘夫亡守節二十

九年皆雍正六年旌謝志

張水孜妻曾氏大庾人年二十夫亡投井死府志謹

夫婦女府志有
劉正龍妻溫氏

李之龍妻宋氏大庾人年二十五夫亡既葬日哭於墓

草爲之枯終身服麤麻雖嚴寒披絮亦以此表之府志

雷鳴時妻譚氏大庾人夫亡甘貧守節抱夫木主而哭

淚血成癥府志

盧大遇妻李氏南康人年二十三夫亡茹貧撫孤日不

再食輒至兼旬孤長受室而天生孫又殤復立嗣子延

其宗年八十一一作六十九卒同邑郭文昭妻曾氏夫亡守

節敗廬餽粥以終其身府志

鄧標祥妻張氏朱錫迪妻衷氏廖騰蛟妻邱氏王事彥

妻藍氏均南康人夫亡守節翦髮以誓同邑王世良妻

羅氏明煒妻胡氏夫亡毀容翦髮王聖雨妻蕭氏熊維

遷妻羅氏引刃毀面黎世芬妻鍾氏翦髮斷指府志

何應鑑妻郭氏南康人年二十四夫亡善事其姑姑卒

哀毀死府志

王琦妻嚴氏南康人年十七夫亡勵節撫孤孤殤嚴自

縊死

府志

謹案南康殉夫婦女縣志有蕭榮先妻田氏張承緒妻林氏李夢松妻商氏張承緒妻邱氏

張昌信妻黃氏南康人昌信性至孝父亡咯血死黃自

縊以殉

府志

吳汲妻蔡氏上猶人年二十夫亡撫女守節剪髮明志

同邑吳徵祥妻劉氏夫亡恆悲泣終身未嘗見齒

府志

蔡世浩妻彭氏上猶人年二十三

一作四

夫亡守節紡績

爲食清操凜然能詩著有翠筠山房詩鈔

府志

劉祖龍妻黃氏上猶人年二十一夫亡面垢哭泣歷四

十九日越一日祭告夫墓歸而自經里中無賴子訟誣

其舅鄰里咸憤相與直之事得白黃以烈旌

府志

秦錫賓妻張氏上猶人年二十二夫亡家貧無子傭工

自給毅然無貳志舅姑歿奉栗主入祠鄉人嘆為知禮

守節四十年年六十二卒

府志

朱洋女名東妹上猶人洋以拔貢生官山東州同借補

曹縣丞卒於官貧甚洋弟某行無賴欲賣女女請歸葬

父柩而後聽命許之既畢葬女度事不可挽義不可辱

局戶自經死年十六

府志

蕭松元妻陳氏崇義人松元官主事從父之官泰州而

卒陳飲鴆以殉後旌

府志

謹案崇義殉夫婦女府志有郭大陞妻朱氏楊傳琪妻蕭氏

張孚民妻朱氏

李德堃母蕭氏大庾人德堃少奉母教既長膺鄉舉咸

豐八年粵賊偏郡蕭使德堃練兵入守城破德堃戰死

蕭舉火自焚其家

府志

謹案大庾婦女殉粵賊之難者府縣志有馮家俊妻劉氏楊金輝

妻傅氏陳大猷妻李氏黃訓山妻馬氏黃上述妻彭氏
張萬城妻成氏成耀輝妻張氏戚天琳子婦劉氏陳大
亨妻劉氏張
陳學妻溫氏

陳際成妻舉氏大庾人年二十三夫亡守志撫孤咸豐

八年舉年九十有一有二子五孫十一曾孫二元孫遭

粵賊之變率五世婦女闔戶自焚

府志

劉華聚妻鍾氏上猶人咸豐六年賊犯縣罵賊殉難

府志

謹案上猶婦女殉粵賊之難者府縣志有秦臣以妻
王氏黃榮春妻何氏秦銘英妻嚴氏劉好賢妻羅氏方
載明妻鍾氏黃榮耀妻
羅氏吳世求妻施氏

李立成妻洪氏南康人城陷死子享千妻謝氏並死焉

縣志 謹案南康婦女殉粵賊
之難者縣志有譚道森母朱氏

黃恆沼未婚妻李氏崇義人咸豐九年粵賊入境罵賊

遇害

府志 謹案崇義婦女殉粵賊之難者府志有謝
某女王姑郭道鑲妻周氏甘建中妻張氏李臨馨

江右通志卷一百一十一 義州府
妻楊氏黃逢源妻李氏張陳生妻陳氏

列女十三 贛州府

唐

鍾紹京妻許氏贛縣人當韋氏之亂臨淄王謀誅之紹京與定大計臨淄王乘夜攜劉幽求等入苑中會紹京廨舍紹京悔欲不從許曰亡身殉國神必助之且從謀數定今雖不行庸得免乎紹京悟趨出拜謁出苑南門帥丁匠三百餘人執斧鋸以從遂成大事夫人之力也

謝志

宋

曾幾妻李氏贛縣人家教嚴肅生子逢逮貴而有賢行陳傅良嘗曰吾不及見文清公然獲從六卿原伯侍郎

仲躬遊甚久憶在都下時文清夫人尙無恙生日當壽
余與高炳如博士修拜母之敬見諸婦各年六七十盛
服夾侍夫人出對客已而原伯兄弟帥婦及諸孫羅拜
奉觴且徧飲客乃罷故家孝敬之風可觀也原伯逢字

仲躬逮字

謝志

元

鍾克俊妻劉氏龍南人克俊痛宋亡義不食元粟投龍
頭江而死時遺孤柔甫啐當改物之初兵戈擾攘劉奉
其姑避於南雄備厯艱險孤稍長攜歸令從鄉先達雷
州推官劉震學日自程課督之柔力學工文名聞州郡
劉與語及龍頭江事輒相對長號竟日忘食卒成其子
之賢

謝志

陳有諒妻某氏信豐人元末紅巾賊起某氏與女同被執強汙不從皆死

謝志

明

李崇仁妻袁氏雩都人年二十一適李明年夫故有遺腹子姑時年八十奉養盡誠洪武甲子旌表其門

明一統志

劉伯祥妻廖氏澄甫妻蕭氏德潤妻歐陽氏贛縣人三世相繼孀居而歐陽與蕭婦姑相依四十九年壬辰後屢經兵亂咸能守身教孤子玉輝成立洪武中奏聞旌表米濂有文述其事

謝志

劉辛二妻謝氏贛縣人年二十七夫亡遺腹生子祿舅姑衰老家無餘貲謝氏躬紡績以具養舅姑繼歿殯葬循禮撫遺孤成立洪武戊辰旌表年八十五卒

謝志

朱崇文妻劉氏贛縣人年二十八而寡家貧織紉以育孤顯永樂癸未顯舉於鄉授石城訓導母誠之曰爾少爲人之師當效古人學半之功子遵其訓克稱職焉丙戌有司狀其事於朝得賜旌表

謝志

黃信義妻葉氏信豐人年二十五夫亡無子孀居砥節

正統閒旌表卒年七十七

謝志

吳孔暉妻管氏雩都人年十五適吳未期孔暉卒生遺

腹子秉珪管矢心不二善養其姑宏治庚戌旌門

謝志

孫宗器妻劉氏雩都人年十七歸宗器生子正紀僅一

歲夫亡節操堅厲事聞旌表

謝志

李宜瑞妻劉氏雩都人年十六歸宜瑞甫三載夫亡遺

子蘭慶僅一歲釐守清潔又李進昭妻徐氏年二十夫

亡遺二子盟心守節俱奉詔旌表

謝志

張珍妻謝氏信豐人年二十五夫亡遺孤省方未及期

教養成立年八十卒

謝志

胡秀禎妻羅氏興國人年十六夫亡撫孤守節族豪受

賄倡嫁羅訴於郡乃免以壽終

謝志

鍾清妻黃氏龍南人年二十五清渡水而溺黃治流求

屍凡二日不得欲赴以殉急救免甘貧撫子年八十七

卒虔撫周南爲給喪具太守邢珣有詩弔之

謝志

蔡氏女名己貞會昌人宏治甲子賊起蔡年十六義不

受汙爲賊支解

謝志

陳雁妻周氏興國人正德五年流寇破城周被掠威脅

不從乘間自刎

謝志

羅世序妻陳氏雩都人年二十五而寡撫子鉅鎬成立

年踰六十正德閒旌表

謝志

李寬妻黃氏信豐人年二十四而寡無嗣止一女黃號

泣曰夫以節義爲學我愧節義非婦也翁姑亦難之黃

心盟不渝閨壺甚肅卒年七十三

謝志

朱從正妻劉氏信豐人夫亡時年二十舅姑以幼艾欲

改嫁之劉志操益堅屹不爲動子亦早亡撫孤孫底於

成立

謝志

王化妻計氏柳州人化籍會昌官平遠知縣出勦山賊

爲所困謠傳已死計氏以六歲兒屬其妾遂自殺化旋

以平賊功詔擢廣東副使命所在祀婦邑有烈婦祠歸

有光記之

震川集

呂仲德妻祝氏信豐人祝仲華女翁姑歿祖姑俞氏踰八十齒盡落艱於飲食祝以乳養之晨夕扶掖人稱孝

婦

謝志

呂若履妻羅氏興國人年二十二棲居善養姑撫二孤引掖以成卒年七十七

謝志

周誥妻嚴氏雩都人年十九守節子負豪家債而卒債家訴於官攝嚴聽理嚴嘆曰吾不出戶庭五十年何面目見官府乎遂自縊死士民無不哀之

謝志

周泰妻彭氏雩都人年十九夫亡守節事姑以孝聞都御史汪鉉以節孝旌其門

謝志

曾景葵妻蕭氏雩都人年十九而寡撫子撫孫艱苦兩世年八十六卒又蕭玉器妻李氏年十八夫亡生遺腹

子復殤堅志守節年六十八卒嘉靖間俱旌門

謝志

郭某妻高氏安遠人嘉靖中爲流寇所執自知不免投深潭死寇退家人蹤迹之屍從石巖浮出顏色如生

謝志

王遼妻劉氏會昌人嘉靖辛酉爲賊所劫強汙不從脅以利刃罵益厲賊刳其腹而死家人收其屍面如生奏

聞旌表

謝志

藍鳳暘妻羅氏會昌人年十八夫亡守節有勢家謀強

娶賄其父與姑遂赴水死

謝志

鍾鳴韻妻王氏興國人年二十一而寡撫孤守節年七

十餘卒嘉靖間建坊旌表

謝志

劉沂妻周氏會昌人年二十而沂卒守節不嫁嘉靖間

爲山寇所獲不肯受辱赴水死事聞旌表

謝志

劉潛妻胡氏會昌人年十九夫亡無子矢死不二家人
欲奪其志胡曰彼欲吾嫁者不過欲得吾夫產業耳遂
悉畀之僅留一老婢供薪水日閉戶紡績雖至戚卑幼
不輕見也邑令呂樂爲作詩陳仕復詳請旌表詔賜粟

帛年八十餘卒

謝志

謝碧妻羅氏定南人嘉靖間岑賊李鑑突圍丁坊碧被
殺擄羅氏入窠羅見夫死被髮跣足痛哭絕食鑑令妾
女誘勸羅給賊來取石擊破賊額厲聲罵曰吾夫被爾
殺吾願求一死耳賊怒支解之其子天宥狀其事於巡

按追羅氏屍歸葬給銀助之萬厯間建坊旌表

謝志

謝允椿妻葉氏定南人允椿與岑賊李鑑戰死葉年二
十五父母憐其少寡勸令他適誓死不從越二年鑑又

突劫殺死謝氏三百餘人擄葉氏入窠禁土窖中葉至夜度勢難免以衣帶自縊幾絕同擄老嫗曾氏呼鑑妾解救之會官兵進攻曾氏扶葉竄山谷得全歸御史賈如式表其閭

謝志

胡方益妻何氏雩都人年二十二夫死父母復許甯都富家子及期何潛往夫墓痛哭躍入池中水淺不得死頭觸入泥中乃死

謝志

嚴雅潤妻高氏王越妻袁氏雩都人俱以守節撫孤被旌

謝志

郭良節妻劉氏雩都人年十七夫亡撫三月孤有成以完節終隆慶間旌門

謝志

范必雲妻賴氏安遠人年十八夫亡無子或諷以他適

賴曰舅姑年老非我安依生養死葬咸竭其力年六十

八卒

謝志

王祐妻李氏蕭彥澄妻謝氏王實正妻鍾氏興國人俱

以少寡守節被旌

謝志

劉貴卹妻鍾氏興國人年二十四夫死於寇節操甚嚴

後旌表

謝志

王詵妻呂氏興國人夫亡割袂自誓養姑終老後旌表

謝志

葉叢妻文氏會昌人年十六夫亡撫孤守節後旌表

謝志

劉數妻俞氏信豐人年二十一而寡守節撫孤以壽終

萬厯閒旌表

謝志

甘士傑妻許氏信豐人年二十八夫亡遺子三歲誓不

再適撫孤成立萬厯閒題請建坊

謝志

徐睿妻劉氏龍南人年二十二撫孤守節卒年七十餘

旌表

謝志

郭一爵妻杜氏安遠人年二十夫亡以節終萬厯閒旌

表

謝志

葛覃妻姚氏會昌人年十九撫孤守節萬厯閒旌表

謝志

鍾黔妻月氏龍南人年二十一夫死守節紡績自給課

子守化食餼於庠至七十四卒建坊旌表

謝志

汪洪妻錢氏信豐人年十六夫亡遺腹生子娶婦復早

卒撫其孫以老壽終

謝志

歐陽九霄妻鍾氏安遠人歸浹歲而九霄亡撫遺腹子

鳳翔有成年八十三卒又胡量瑄妻堯氏夫亡自縊急

江陰縣志卷之二 風俗
救得不死以節終

謝志

廖思潤妻李氏名善果隴南人痛夫陣亡誓死守節部使者以節義旌其門卒年九十

謝志

陳冲實妻呂氏羅雍妻謝氏張本仁妻鍾氏興國人俱以守節撫孤旌

謝志

呂經言妻蕭氏興國人年十九喪夫無子矢志不二婢隨香感其苦節誓不求配事蕭氏終身屢被旌表

謝志

鍾廷用妻王氏歐陽福隆妻羅氏鍾榮祚妻謝氏俱興

國人夫亡守節以壽終

謝志

王朝舉妻陳氏羅彥理妻劉氏俱興國人少寡無子以節終旌表

謝志

郭守謐妻杜氏安遠人年十六夫亡撫子成立以節壽

終同邑杜喬東妻郭氏年十八而寡撫女守節杜閔妻

邱氏年十九夫亡紡績度日至八十餘卒俱被旌

謝志

斯邦穀妻蕭氏贛縣人早寡守節撫孤仲子言貫登萬

厯癸酉鄉試以壽終旌表

謝志

謝慇妻孫氏贛縣人年二十八慇卒家貧苦節奉姑以

老同邑張四維妻黃氏年二十三夫亡守節撫孤卒年

八十又蔡兆文妻桂氏年二十一夫亡無翁姑妯娌之

倚蕭然隻影訓二子學成俱被旌表

謝志

曾宸妻周氏雩都人及笄而寡撫孤守節年八十三卒

旌表

謝志

吳昌巖妻何氏信豐人年二十四夫亡撫孤養姑屢被

旌獎

謝志

曹禾妻袁氏信豐人年二十二夫亡撫孤屢經家難卒以節終同邑吳拱冕妻劉氏年二十五而寡悲泣喪明踰三十年復能辨物事問旌表謝志

呂俸妻鍾氏興國人及笄喪夫撫孤守節年八十五旌

表謝志

曾安邦妻孫氏雩都人安邦授南靖訓導孫隨之官山賊破城安邦攜家走避子三俊爲賊所執安邦亦爲賊傷孫遂投火死三俊痛母悲號欲從之賊感動出孫屍灰燼中令三俊收殮焉游副使震得爲文祭之萬厯丙午旌表謝志

黃堂妻俞氏信豐人副使大節之母幼隨父宦邸口授以書輒通大義年十五歸黃能順適舅姑意初一再婉

身俱不育勸堂納遣者再舅姑並病俞供滫瀡藥餌朝
舅夕姑腥穢不避三年以爲常舅先姑五月卒姑繼之
治兩喪拮据盡禮後連舉二子妾姚已先舉子旋卒俞
子之如已出賢孝之譽人無閒言

謝志

汪國奇妻李氏會昌人年二十四夫亡家貧無子有富
兒謀娶不從姑諭之曰守節固美奈二老爲溝中拊何
李乃應命往富兒家三日夜不解衣帶得閒自縊死

謝志

楊炯妻柳氏贛兵婦也萬厯閒楊應龍反播州炯從征
陣亡有富家兒豔其色強委禽焉及娶柳堅不從富兒
自入牽其手柳罵曰我手豈爲人污遽引刀斷腕富兒
乃驚去

謝志

唐旭英聘妻李氏名秀玉龍南人未婚夫卒翦髮矢節

終身弗改建坊旌表謝志

文明妻歐氏會昌人年二十七而寡卒年八十奏聞旌

表謝志

蕭文舉妻徐氏龍南人年三十而寡紡績自給年九十

卒旌表謝志

曹希彬母江氏信豐人年二十而寡家貧撫子年九十

三卒同邑曹某妻謝氏年二十守節坐臥一室年八十

五卒張廩妻曹氏年二十五夫亡貞節自矢教子成立

撫按旌獎五次而卒謝志

甘士价妻吳氏信豐人盜劫其家吳親仗劍以拒賊夫

得逸去吳亦創甚昏絕於地賊飽掠焚其室火已燃吳

驚醒斷一指叱之曰賊奴焚我室誓必盡擒奴殺之賊

懼滅火而去其後膺制誥有云臨難而挺身以全夫格

盜而斷指以全節蓋實錄也

謝志縣志

蕭大賓妻劉氏會昌人大賓德行見重於鄉年八十二累薦賓席劉佐理家政綽有賢聲壽登百表萬厯閒建

坊曰百歲流芳

謝志

劉籥妻譚氏贛縣人年二十五而寡撫二孤後長子思誨成進士劉年八十卒泰昌改元奏聞旌表

謝志

劉文彩妻許氏贛縣人孀居撫子巡按葉成章旌其門

曰貞堅金石

謝志

劉一賓妻邱氏雩都人年十九夫卒家甚貧課遺腹子

震年成諸生學使侯峒曾旌其門年六十七卒

謝志

朱邦柱妻李氏雩都人邦柱官興濟知縣有循吏聲會

兵事起李隨子汝珩僑居贛城城破家人散走李端坐

堂上冒刃死汝珩妻曾氏死於門外蓮花池縣志

鍾有倫妻胡氏雩都人崇禎末與夫避亂石砦賊至遂

投巖死賊退尋得遺骸徧體碎裂面如生謝志

賴魁諫妻葉氏龍南人明末爲閩寇所掠投江死七日

屍出面如生又賴元邵妻蔡氏流賊破城痛罵不屈賊

斷其四肢而死謝志

國朝

陳光洪妻郭氏贛縣人順治初避寇居山土人倡亂夫

婦並爲所繫郭紿賊縱光洪度去遠投崖死縣志案順治康

熙間贛縣殉難婦女謝志有誦士痕妻蕭氏謝明登妻

羅氏李氏女德秀劉思誨妻黃氏劉曰任妻曾氏劉曰
伶介作妻朱氏謝誥妻桂氏李元棟妻朱氏張洪妻戴
氏徐君行妻吳氏楊汝愛妻羅氏謝允繼妻月氏郭多

頑妻劉氏葉中柱妻劉氏郭大經妻謝氏王一龍妻徐氏劉之鳳妻應氏封紫章妻蔣氏唐賓臣妻劉氏府志有鍾學備妻蕭氏謝永溢妻張氏郭子魁妻鍾氏楊愈純妻莊氏余學義母周氏妻鍾氏子婦邱氏廖一昭妻劉氏徐亨女靜秀

嚴昌允妻易氏雩都人順治庚寅死寇難謝志有宋汝

珩妻曾氏今改入明末

趙昌宋妻張氏信豐人甫歸寇至罵賊甚烈賊碎其屍

縣志謹案順治康熙間信豐殉難婦女謝志有劉照海妻曹氏劉某妻藍氏戴蓮妻劉氏曹鉉鉉作妻甘氏

李某聘妻俞氏

曾國寓妻廖氏與國人夫亡守節撫孤順治初避寇三

寮山與子一元相失懼為賊偪自投於崖一元覓母號

呼經日乃得懸繩十餘仞以引廖出竟無恙縣志

黃世繼妻鍾氏興國人順治初寇亂世繼被掠死鍾未

之知方謀出金以贖世繼既聞耗遂投江死縣志順治康

熙開興國殉難婦女謝志有王文華妻皮氏縣志有鍾煒妻蕭氏歐陽文奇妻李氏

文宗孔妻謝氏會昌人順治戊子兵薄城下謝有孫曰

在茲先居郭外為營將所繫既而舍之在茲告營將祖

母年八十矣猶困城內奈何營將許縋城以逸於是在

茲乞諜報謝謝曰吾孫得免幸矣老婦欲出何為卒死

於兵旌入節孝祠縣志謹案順治康熙間會昌殉難

妻賴氏李璋母歐氏劉慶祥一作妻歐氏謝應鴻妻劉氏劉慶助妻喻氏王信妻胡氏蕭冠芳妻歐氏劉李

克榮妻彭氏汪行簡妻張氏府志有文定妻劉氏郭惟一妻邱氏張宏在妻何氏黃累華妻劉氏王應卿妻何氏王應顯妻汪氏何嘉龍妻張氏王思直妻張氏汪

作嘉妻歐氏劉石保妻周氏名正瑛王官一妻朱氏

廖嘉禧妻鍾氏安遠人順治初被寇罵賊死之府志順

治康熙間安遠殉難婦女謝志有劉舜年妻歐陽氏陳公亮妻廖氏廖君錫妻鍾氏縣志有鍾鳴春妻陸氏

黃成達妻傅

一作胡

氏龍南人順治初夫商於外寇至傅

及於難巷年成達歸發地改殮容色如生

順治康熙開

龍南殉難婦女謝志有曾起掄母月氏譚琛妻李氏鍾凝女金玉

賴延祥妻陳氏定南人年二十夫亡翦髮誓守順治十

三年旌

縣志

鄭興霖妻曾氏長甯人粵寇阿婆總入邑宗人聚保於

狐狸砦寇攻之急曾懼不免投崖自盡及半為棘刺所

承中懸不死寇退家人引繩上之曾猶以為寇奮身墜

崖下死

縣志 謹案順治康熙開長甯殉難婦女謝志有潘祝萬妻謝氏邱開先妻何氏陳氏女縣志

有吳道妻周氏王如抑妻周氏曾岸叔妻黃氏

李文煒妻陳氏定南人康熙九年流賊肆掠文煒為賊

所執陳奪文煒還而死於難

縣志 謹案順治康熙開定南殉難婦女謝志有廖

汝楫妻黃氏李
光華妻陳氏

劉士遴妻王氏信豐人年二十六而寡治家嚴肅康熙

二十四年旌

謝志

劉天光妻賈氏贛縣人從夫寓汀年二十一夫亡扶柩
歸贛爲盜所阻艱難得全堅節四十餘年康熙三十五

年旌

謝志

邱完賦妻丁氏雩都人年二十二完賦卒課子寬饒邑

庠年八十卒康熙三十八年旌

謝志

戴士升妻嚴氏信豐人年十九夫歿無子撫從子爲嗣

如己出康熙四十五年旌

謝志

屠正起妻劉氏贛縣人年二十一夫亡守節康熙五十

年旌

謝志

李扼一作張

妻胡氏會昌人夫亡撫孤成立後旌表謝志

徐參妻許氏龍南人年二十一夫亡守節壽一百一歲

卒康熙中旌謝志

黃英鳳妻張氏定南人年二十七夫亡家甚貧張典衣

營葬勤鍼黹以自給未幾舅欲爲次子納婦而謀嫁張

氏張覺之嘆曰吾已爲英鳳妻豈能再事他人遂自縊

死同里黃恩洪妻蔡氏年二十夫亡自縊縣志

潘天材妻王氏長甯人年二十二喪夫有勢豪強娶之

王執刀自刎獲救而免孝事毫姑足不越戶卒年六十

六康熙中旌謝志

羅大美妻謝氏長甯人年二十三喪夫守節以壽終康

熙中旌謝志

謝文莊妻鍾氏贛縣人年二十三夫亡守節撫三歲孤

成立凡二十八年康熙六十年旌謝志

劉殿徵妻李氏贛縣人年二十三而寡撫孤成名又同

邑傅天麒妻管氏謝上逢妻王氏劉階升妻曾氏劉季

良妻謝氏俱年二十餘矢志守節歷三十餘年雍正四

年旌謝志

張泰詠妻王氏信豐人年二十三撫孤守節年七十有

二卒雍正四年旌謝志

鍾懋官妻李氏興國人年二十守節撫遺腹子成立年

七十卒又同邑鍾獻略妻劉氏妾張氏俱年二十餘育

孤守節三十年雍正六年旌謝志

陳大占妻李氏贛縣人年十九夫亡事孀姑孝有遺孤

暨諸孫皆成立苦節三十年雍正八年旌

謝志

譚昌遠妻王氏龍南人年十八夫亡撫遺孤以奉姑守節五十餘年雍正九年旌

謝志

吳國瑞未昏妻郭氏名滿玉贛縣人年十七國瑞天聞訃哀痛幾絕父母不奪其志使歸吳氏食貧養姑備盡孝道秉性嚴正動必以禮外人罕得見之立伯氏子惟佶爲嗣撫以慈教以禮會惟佶復夭郭益艱苦又立嗣孫苦節四十餘年雍正九年旌

謝志

廖泰漢妻徐氏龍南人諸生之璜女幼識字通經史知音韻之學既歸有子運芳習三禮春秋外傳皆徐口授運芳卒成進士

縣志

廖泰稷妻鍾氏龍南人泰稷性孝執父喪哀毀咯血而

死鍾慨然曰吾知所處矣仰藥不死乃自經家人又解

之絕粒五日而卒

縣志 鍾宏業妻徐氏

謹案龍南殉夫婦女縣志有鍾其淪妻廖氏王明

華聘妻謝氏名宗鳳曾邦顯妻徐氏陳唐萬妻鍾氏

羅聘錦妻周氏劉世循妻謝氏萬啟烈妻蔡氏龍家緒

妻易氏贛縣人並以夫亡毀容守節

縣志

楊嗣雄妻李氏贛縣人夫客死他所凶耗既至哀絕復

生者屢柩歸自縊

縣志

謹案贛縣殉夫婦女縣志有曾步堯妻鍾氏劉匡廷妻徐氏陳占

輪妻劉氏蕭正培妻羅氏劉聚奎妻黃氏宗登妻觀妾馬氏鍾義漢妻胡氏劉開鑄妻謝氏徐德全妻鍾氏董華

勤妻劉氏江世迅妻石氏鍾仁緝妻盧氏鍾隆恕妻劉氏邱明詮妻張氏劉器松妻謝氏李資遇妻邱氏陳怡

然妻李氏石順伯妻賴氏蕭貞生聘妻尹氏孫德爵聘妻邱氏謝為楊妻邱氏

張宏祚聘妻唐氏浙江錢塘人宏祚贛縣人以病死唐

聞引繩自經不死奔喪於贛絕飲食者三日又不死先

是宏祚有妾生子父誠唐曰徒死無益能撫孤子賢於死矣已而子又多疾百計調護竟以憂勞死乾隆元年

旌縣志

黃上彩妻陳氏信豐人上彩餬口四方久而不返母欲

嫁婦婦不可卒自縊死

縣志

劉宜周妻鍾氏信豐人夫亡守節撫孤子既長娶於鄒

子又卒鄒年十八截髮誓守姑婦並以節著

縣志

謝孟章妻汪氏孟章信豐人汪籍江南常州年二十四

夫亡守節夫弟某賺之使他適既乘輿始省狂呼墮地

取刀自斷其指夫弟慙謝去遂絕粒卒

縣志謹案信豐殉夫婦女縣

志有謝文炳妻邱氏謝榮壽妻俞氏戴洪璧妻廖氏黃士瑞妻邱氏

江世昇妻蕭氏興國人年二十四夫亡營葬畢事哭於

墓所歸而自經乾隆間旌

縣志 謹案興國殉夫婦女 縣志有徐本位妻鍾氏王昌

裔妻鍾氏謝右書妻劉氏胡繼邑妻曾氏劉于蘭妻廖

氏劉某妻謝氏名雪姑鍾祥炳繼妻楊氏劉成斌妻徐

氏楊大文妻黃氏劉高鈞

妻鍾氏鍾必玉妻李氏

孫俊彥妻歐陽氏安遠人夫亡翦髮自誓守節六十六

年乾隆三年旌同邑古大呂妻劉氏夫亡自封其髮劉

恢芳妻古氏夫亡截指俱乾隆間旌

縣志

賴衡林妻朱氏龍南人年二十四夫亡守節孝事其姑

姑年九十病卒葬之日朱一慟氣絕家人救之輿歸而

卒年六十一乾隆六年旌

縣志

羅繼綿妻鄭氏會昌人年二十夫亡無子丐於從祖為

夫立嗣遲至十年不定而姑又卒鄭慨然曰未亡人忍

死須臾以承嗣久虛姑老而無依也今日矣以乾隆十

七年二月投繯死族人皆哭失聲鄉里稱真節婦

縣志謹

案會昌殉夫婦女縣志有謝羽吉妻劉氏邱某妻謝氏李士偉妻饒氏蕭德官妻吳氏胡獻菽妻謝氏鍾惠音妻宋一作氏朱廷珍妻羅氏胡斯應妻劉氏歐陽壽山妻張氏鍾洪宣妻宋氏婁麟祥妻嚴氏

潘白源女長甯人未字有謗之者聞而自盡乾隆四十

四年旌

縣志

郭俊謨妻曾氏長甯人年二十七夫亡守節鬻薪自給

節操凜然

縣志

徐成芳妻林氏龍南人成芳工詩文既卒諸子皆幼林掇輯遺稿規定其集子洪愿洪懿洪勲洪慰皆自授之

學

縣志

謝上珩妻廖氏龍南人年二十九夫亡嚙指矢節廖通

文字親授學於其子素乾隆間旌

縣志

曾學沛妻余氏贛縣人年二十八夫亡守節歷七十餘年卒有自述詩四十章

縣志

羅昭標女名鳳英贛縣人未字昭標疾亟女禱於神請

以身代已而昭標死女治殮如禮入井而死

縣志

黃士圭妻劉氏贛縣人姑老患盲跪而舐之者日三次

姑目復明羣以爲孝感

縣志

李萬仕妻朱氏贛縣人年二十夫亡守節年七十五世

同堂

縣志

何日永妻宋氏雩都人夫亡截髮明志妾李氏同育遺

孤稱雙節

縣志

鍾加箇妻蕭氏興國人及笄夫亡嚼指誓節

縣志

周永旋妻文氏會昌人年十八夫亡持翦自刺遂眇一

目復截髮去其半歷苦節五十餘年同邑胡雲州妻劉

氏曾國儀妻劉氏並以夫亡翦髮守志

縣志

林展也妻鍾氏會昌人其姑再適人鍾偶省姑姑留之
值姑他往姑之後夫劉容燦偪之不從日且暮走宿鄰
婦家憤而自經閱十有七月事發知縣鄭昌齡檢鍾屍
貌如生縊痕在焉乃抵容燦罪請旌建坊

縣志

鍾夏有妻陳氏安遠人年二十四夫亡哀慟自縊家人

救之強起撫孤會有疾堅卻醫藥旋卒

縣志

遠殉夫婦女縣志

志有唐保軒妻鍾氏賴思誠妻唐氏

廖長子妻華氏長甯人農家女廖有痼疾其家厭苦之
華歸獨執婦禮營女紅以爲養怡然處之廖之繼母決
遣華別嫁華知不可諫家無長物唯餘伏雌乃烹以食

廖曰盡此一飯他日不復事姑夜分縫敝衣潛投池水

死年十八

縣志

謝榮亮妻陳氏與國人設旅肆於崇興墟力拒強暴中

刃死嘉慶閒旌

縣志

鄭端伯妻趙氏長甯人未昏夫亡仰藥死

縣志

長甯殉夫婦

謹案

女縣志有凌鴻勳妻謝氏賴德郎妻廖氏潘明柳妻江氏

蔣人妻王氏長甯人年二十夫亡無子豪族欲奪之勢

岌岌不可止王引刀自勢其面守節五十年卒

縣志

黃澧淞妻鍾氏龍南人澧淞饑驅外出族無賴子窺其

室鍾以死拒見殺事白以烈旌

縣志

周載佺妻黃氏興國人夫亡守節傭工某犯之不從爲

所殺并殺其幼子事白嘉慶閒旌

縣志

何倫鑄妻潘氏雩都人夫亡乳藥以殉

縣志 謹案雩都殉夫婦女縣

志有葛永梁妻陳氏胡某妻沙氏袁震亨妻曾氏蕭隆邦妻王氏吳成祖妻黃氏胡方益妻何氏

曹氏興國人歲饑夫陳某欲嫁之誓不再適忍餓而死

縣志

劉學賢妻蕭氏興國人咸豐七年粵賊入境赴水死

縣志

鍾啟岫妻王氏興國人同治五年啟岫官翰林侍講參

陝西軍事死難凶問至絕食卒

縣志

管宗銑一作貢南妻孫氏雩都人咸豐七年賊至夫婦並為

所執宗銑死孫亦奪賊刀自殺

縣志

謹案雩都婦女

易聘輝妻管氏李中億妻劉氏杜名揚妻管氏溫印堂妻邱氏張紹靜妻劉氏易承璇妻董氏劉德廣妻蕭氏

黃才貞妻盧氏蕭湘浦妻溫氏何倫林妻鍾氏李振綱妻孫氏郭仁榮妻謝氏謝向琪妻劉氏方雲孚妻謝氏

江休徵妻盧氏張來源妻丁氏周先覺妾左氏譚祥妻劉氏袁宿輝妻張氏

徐思薦妻謝氏龍南人思薦官浙江咸豐庚申粵賊至
謝使從子德意舉火自焚同死者思薦弟妻顏氏從女
仁脩從子婦劉氏及女婢三人縣志

劉文暉妻王氏字繡君信豐人幼讀書明大義尤工詞
翰著有繡餘詩草咸豐六年粵賊竄境文暉馳赴南康
縣請兵甫歸賊已麤集文暉被執王牽衣慟哭賊欲犯
之大罵奪賊刀自刺血濺賊衣遂遇害女菊英同死難

府志謹案信豐婦女殉粵賊之難者縣志有王汝和
繼妻崔氏王汝葵妻謝氏王修堂妻黃氏許某妻曾氏
葉榮華妻楊氏葉某妻康氏張景宋妻蔣氏張某妻王
氏周銘妻王氏曹明釐妻蕭氏張榮先妻施氏黃英班
妻楊氏子婦劉氏女愛姑李某妻陳氏張某妻施氏張
某妻龐氏謝篤誠妻王氏謝宗繼妻章氏李某妻蕭氏
李某妻曾氏李某妻劉氏陳中鳳聘妻熊氏

袁德昭妻李氏龍南人同治三年粵賊至袁家圍李負

子持刃奪門出殺數賊力竭被執賊並其子殺之

府志

劉慶耀妻廖氏龍南人慶耀貫酒自給與廖食貧而居

同治三年賊至廖持刃衛姑突圍以出賊執其姑廖揮

刃斷賊腕姑乘閒脫羣賊鬪廖廖連殺二賊力竭被執

刳腹斷舌而死

府志

謹案龍南婦女殉粵賊之難者

袁愷與妻李氏袁善洪母鍾氏袁良洪母李氏袁繼仁
母吳氏袁恆昌妻廖氏袁繼求妻李氏袁元豐妻李氏
婢添貴袁端庭妻李氏李洪昌母曾氏李求盛母廖氏
李樹華妾張氏胡用霖妻劉氏劉必太妻曾氏賴文蘇
妻戴氏劉名修妻李氏李進修妻鍾氏黃蓮例女閨媛李樹芸女素微

繆昌言妻張氏定南人昌言諸生咸豐間土賊亂作昌

言以死自誓使張自爲計張曰請先君死起奪昌言刃

自剖其腹而卒

府志

謝石全妻廖氏定南人咸豐六年粵賊圍城廖執刃登

陣共守歷數十晝夜一夕依堞視賊爲飛礮所中踰刻

氣絕軍中惜之

府志

葉金題母胡氏定南人咸豐八年金題結鄉兵禦賊屢

敗之賊怒鼓眾來攻遂陷其圍胡以薪斧陪賊十餘困

關踰時受重傷與金題同死

府志

曾石泰妻黃氏定南人咸豐閒隨石泰守城能殺賊一

日賊乘高攻東南隅黃馳救中火鎗猶大呼殺賊而卒

府志

繆勝雲妻黃氏定南人咸豐閒土賊乘亂競起攻繆氏

莊黃率妯娌發火箭禦賊賊多斃者別賊踰屋入勝雲

與其父死之黃手刃巷戰久之賊益眾自刎死

府志詳案定

南婦女殉粵賊之難者縣志有繆楨妻彭氏妾曾氏盧某女月媚月娥廖炳輝妻陳氏謝姜福妻黃氏謝福貴

妻毛氏葉某女娥清觀蓮吳某女桂英秀英繆蘭芬孫
女琨娥瓊梯彭某女瓊娥繆海賢妻袁氏繆必賢妻劉
氏廖某女觀英郭某女長秀吳某女蘭秀榮清盧某女
清娣繆西就妻任氏繆水祥妻袁氏葉正源妻彭氏葉
月中妻楊氏葉三慶妻劉氏葉德元妻馮氏葉起元妻
胡氏葉象賢妻胡氏張元泰妻黃氏孫瑞祥妻張氏

鍾輝珍妻劉氏贛縣人咸豐七年遇賊闔門自縊賊救

免復罵賊不屈遇害

府志謹案贛縣婦女殉粵賊之難者縣志有鍾崇琪妻羅氏鍾作

哲妻梁氏鍾崇倩妻鄭氏鍾崇份妻林氏鍾仁湘妻屠氏子婦劉氏劉致祥妻鍾氏劉寶三妻鍾氏鍾愈玉妻曾氏鍾愈璞妻曾氏卓武昭妻譚氏劉某母高氏妻李氏曾張容妻羅氏郭家榮妻蕭氏鍾仁壑妹夏嬌謝世杭妻劉氏蕭邦瑞妻黃氏鍾宏標妻劉氏子婦謝氏鍾宏需妻陳氏彭人照妻溫氏鍾仁絳妻劉氏

劉德姚妻梅氏長甯人咸豐十年賊竄南鄉被掠誓死

不屈過溪橋躍淵觸灘石頭腦俱裂賊怒刺之死越數

日面目如生

府志謹案長甯婦女殉粵賊之難者縣志有古鈺光妻劉氏溫榮炳母梅氏妻鍾

氏李發榮妻謝氏趙慶香妻蕭氏陳元椿妻蕭氏謝上石妻古氏劉世通妻龔氏

許武遷妻郭氏會昌人咸豐八年粵賊入境郭懼不免

抱嬰女投水死府志謹案會昌婦女殉粵賊之難者

氏許兆翔妻蕭氏劉齊芳妻蔡氏曾某妻歐氏吳饒裕

妻郭氏李才德妻蕭氏李才茂妻鍾氏俞如發妻李氏

謝彭年妻郭氏吳君貴妻黃氏郭國才妻孫氏安遠人咸豐九年粵賊入境聞變投崖

死府志謹案安遠婦女殉粵賊之難者縣志有盧師

死肇妻唐氏歐陽休妻郭氏郭達輝妻沈氏鍾聲和妻

陳氏廖惟霖妻黃氏李瑞邦妻歐陽氏列女十四南都州

唐

廖匡濟母失其姓虔化人匡濟事湖南馬希範為決勝

指揮使帥衡山與黔苗鏖戰死希範遣使來弔其母母

曰廖氏三百口受上溫飽之賜即滅族未足為報況一

子乎幸勿爲念希範嘉母知大義厚恤其家

甯都先賢傳

宋

賴仲元妻葉氏臨汀人歸石城賴氏建炎四年盜起虔化直擣石城仲元方客遊舅姑年老不能遁逸俄而寇至葉曰甯死義不爲鼠輩辱極口罵賊賊斷其喉聞者爲之流涕

謝志

黎某妻管氏甯都人紹興中流寇破縣掠之怒罵不辱賊割其乳罵益厲已而斷首首飛丈餘齧門限賊眾悚

懼

甯都先賢傳

元

廖國器妻陳氏甯都人少嫠守節矢志不二寇亂子死婦被擄陳育幼孫人俊愛不忘教人俊長能孝養陳氏

安之年九十餘卒鄉里上其事於朝旌表其門仍賜粟

帛翰林吳澄揭傒斯皆爲詩文表之

謝志

熊本妻失其姓甯都人生七年而母卒事後母孝謹益篤十九歸本姑病風攣日夜扶持不稍怠女弟在室者出私褻嫁之三子鼎渙晉自教督若嚴師僞漢兵起遣使徵鼎者再母曰敗可立待慎毋往元省守臣以書招之又曰元運將終不可爲也及衛國公鄧愈取江西聘鼎從事母曰可矣聞江表有真主是可依也其明達如此

謝志

明

蔡楚仁妻揭氏甯都人年二十守節撫孤又彭性成妻胡氏盧孟忠妻曾氏俱年少撫孤守節成化間旌表

謝志

蘇克璋妻賴氏甯都人年二十三撫孤守節宏治間旌

表

謝志

葉遇春妻曾氏甯都人年二十夫亡撫孤守節宏治間

旌表

謝志

郭元欽妻楊氏名作娘瑞金人年十七而寡撫遺腹子

成立孀居五十餘年正德間旌

謝志

葉廷佐妻溫氏甯都人年十九夫亡撫遺腹子守節歷

六十年嘉靖間旌表又蘇國相妻蔡氏亦以少寡守節

卒年九十得旌

謝志

溫經緯妻蔡氏羅孟平妻蔡氏陳國慶妻劉氏俱甯都

人少寡守節撫孤成立被旌

謝志

曾立清妻賴氏甯都人年二十二夫亡視殮畢卽自縊

死嘉靖間旌表

謝志

溫甯玉妻賴氏石城人年二十撫遺腹子年八十五卒

旌表

謝志

聶顯華妻王氏甯都人華疾劇王願以身代遂自縊死

謝志

曾志顏妻鄧氏甯都人夫病篤籲天請代將卒先自縊

死弟志聖妻謝氏夫病殫力扶持廢寢食夫死伏棺號

泣次日自縊死時稱一門雙烈

魏季子集

許宗慶妻劉氏名潤貞瑞金人嘉靖四十年流賊入境

宗慶挈家避陳石山寨賊攻寨甚急潤貞告其母曰此

寨不守吾其死矣斷不受汙以辱夫也時有劉尙卿妻

鍾氏許受誥妻鄧氏李常森妻劉氏俱以死誓越四日

寨破潤貞投崖死鍾鄧劉三婦從之俱死四十二年建

坊竝祠

謝志

謝棟妻郭氏瑞金人嘉靖四十年攜子女避寇山中爲

賊所獲強汙不從奮拳擊賊賊支解之奏聞旌表

謝志

葉以清妻陳氏甯都人嘉靖間爲流賊所掠義不受辱

觸石牆而死賊怒斷其頭棄之道旁

甯都先賢傳

邱如崇妻周氏甯都人年二十九而寡卒年六十一巡

按御史凡六旌焉

謝志

羅濟基妻黃氏石城人年十九夫亡撫孤長娶黃氏生

孫而子及孫相繼夭姑婦相依以老壽終奏聞旌表

謝志

陳氏石城人字於胡未歸而夫死女聞之持刀自刺父

母急救得免人聞其賢求婚者眾乘閒閉門縊死

謝志

劉時泰妻胡氏甯都人年二十夫亡苦節自甘事姑以

孝聞隆慶閒署縣事呂若愚勒碑紀其事

謝志

謝子敏妻楊氏甯都人年十七夫亡守節撫孤繼志登

萬厯丙子鄉薦旌表

謝志

楊萬璞妻曾氏名五貞瑞金人年二十五夫亡撫子子
亡撫孫迨曾孫以傑中鄉試猶及見焉卒年九十六旌

表

謝志

彭處昭妻陳氏甯都人年十九夫亡撫孤守節以老又
溫應元妻李氏年二十而寡貞操始終如一俱萬厯閒

旌

謝志

鍾華連妻朱氏瑞金人年二十六夫亡守節養姑教子
老壽而卒同邑楊正懋妻蘇氏名愛姑年十八歸楊二

十而夫歿養姑撫孤艱苦備嘗又湯世奇妻鄧氏名英

娘年二十五夫亡無子守節俱萬厯間旌表

謝志

鍾思獻妻彭氏甯都人年二十三夫亡撫孤成立以節

終又魏開妻李氏早寡立嗣守節俱旌表

謝志

李凌雲妻曾氏廖任政妻曾氏曾逢辰妻陳氏俱甯都

人早寡撫孤守節旌表

謝志

曾于鏡妻陳氏甯都人及笄夫亡苦志守節奏聞旌表

謝志

賴氏甯都人許字羅厯生及笄將歸而厯生卒女告父

母曰羅家貧盍返所聘釵釧以助其喪並誓不再嫁父

母未之許遂自縊

謝志

謝氏名鸞姑瑞金人幼許字鍾斌斌侍父遠宦客死女

誓不改適獨居四十餘年雖至賊罕見其面

謝志

彭君臨妻陳氏甯都人年十九而寡至九十四終都御

史鄒元標有詩輓之

謝志

鍾宗禮妻賴氏瑞金人年十八守節撫孤年七十五卒

安志

葉芊妻謝氏甯都人崇禎末避亂於上鄉賊迫度不可

脫以子授夫使速去謝遂被掠賊將犯之謝笑曰吾一

女子何往但須沐浴妝畢侍左右賊帥大悅許之謝入

房以鬚刀自刎死後七日芊以船載其尸歸面如生

魏季

子集

彭長庚妻蔡氏甯都人夫亡守節孝養祖姑崇禎間旌

表

謝志

程名妻朱氏石城人早寡守節課子養姑姑疾願以身

代年六十一巡撫周燦題請旌表

西巡政略

龔朝士妻賴氏石城人賊與龔有夙隙執其翁姑與夫

將殺之求贖不許求以身代死亦不許因大罵遂俱遇

害

謝志

國朝

謝君石一作璞妻沙氏甯都州人順治七年兵難被執自

刺死州志廖愈達謹案順治庚辰間甯都殉難婦女謝志有

妻李氏盧季培妻李氏李本如妻謝氏楊良卿妻彭氏

杜好誠杜姓妻熊氏邱曰案妻吳氏楊文德妻魏氏州志有

李彥誠妻熊氏邱曰案妻吳氏楊文德妻魏氏州志有

廖宏度妻謝氏賴伯集妻曾氏魏君連妻連氏廖擴初

妻黃氏子欽臣妻郭氏李升

槐妻羅氏郭鎮南女二聯

郭在中妻歐氏瑞金人順治五年爲兵所掠置舟中密

縫上下衣投筆蓬灘死

州志謹案順治康熙間瑞金殉難女子謝志有朱在御女印

姑劉汝傳女潤姑朱世選女金珠鍾懋選女銀姑

李登甲妻劉氏石城人順治初寇亂被執中刃死之

州志

謹案順治康熙間石城殉難婦女謝志有黃士衍妻賴氏賴德固妻陳氏柳李作櫛妻賴氏陳大治妻黃氏

賴龍光妻黃氏黃鍾鍾離妻周氏賴一振妻黃氏州志有鄧三台妻賴氏子婦龔氏尹兆正妻謝氏許崇仁妻

龔氏溫二振妻黃氏名晚青溫朝銳妻熊氏名翠德陳懷德妻許氏黃履謙妻陳氏黃錫凝妻李氏黃士琦妻

曾氏黃鍾毓妻陳氏陳炎天妻溫氏陳自修妻鄧氏鄧廷富妻李氏陳自慎妻劉氏陳福安妻劉氏陳福田妻

廖氏黃聖魁妻周氏潘君聘妻劉氏溫軍由妻劉氏黃士瑚女銀姑李某女

溫維北妻賴氏石城人年二十二夫亡守節順治辛丑

寇亂隨舅姑挈子避兵走麻子礫雷雨晝晦不復相顧

賴禱於神言天不絕溫氏願舅姑無恙弱息克延骨碎

懸崖無所恨昏黑中若有援之者得免於難年九十餘

卒雍正九年旌謝志

溫子玉妻曾氏石城人年二十一夫亡以死自誓遇救

再甦康熙甲寅寇亂曾翼姑挈子而竄爲寇所獲曾泣
言曰死固素願誠無足辭乞舍吾姑與子賊感而並釋

之謝志

廖應瀨妻賴氏石城人赤之母也少寡守志山行遇采

薪者爲暴凜不可犯樵斧其兩臂復斷其喉死康熙四

十三年旌謝志

熊宏德妻鄭氏石城人宏德爲寇所掠十一年不歸自

縊死謝志謹案石城殉夫婦女州志有許崇韜妻溫

賴克倫妻劉氏陳潛川妻羅氏黃德祿妻鍾氏劉上騰

妻張氏賴承頊妻池氏賴宜恆妻吳氏賴君輔妻曾氏溫

溫允光妻謝氏廖桂南妻湯氏陳中浣院一作妻伊氏溫
朝銓妻熊氏溫掄才妻李氏黃金魁妻陳氏龔細雄妻

溫氏賴慈揚妻許
氏范廣仁妻張氏

賴濬妻陳氏石城人夫亡守節康熙五十年旌謝志

胡荆山妻姜氏甯都人年二十一夫亡守志凡四十六

年雍正四年旌謝志

鄧先楫妻張氏李聲妻賴氏賴時蓮妻朱氏俱瑞金人
年二十餘夫歿奉姑撫孤苦志守節歷四十餘年雍正

五年旌謝志

毛貫一作冠妻廖氏瑞金人夫歿哀毀不欲生投繯者

再爲姑所持久之姑以貧迫奪其志廖陽諾竊往夫墓

慟哭歸閉門服毒死時年二十二雍正五年旌謝志

熊承琮妻黃氏潘大海妻湛氏黃承瑜妻周氏黃日暉

妻曾氏陳煥繼妻賴氏賴永裕妻劉氏李明允妻劉氏

俱石城人年二十餘守節各三十餘年先後建坊旌表

謝志

楊兆嶠妻鍾氏瑞金人年二十二夫亡守節撫孤自祖姑以降三世未葬竭力營治無憚勞瘁冬有冰結於庭瓦爲山水松竹狀人以爲節孝之感雍正間旌

州志

許立儔妻陳氏石城人夫亡觸棺氣絕者再剪髮以背雍正七年旌同邑黃世京妻李氏陳崇繹妻賴氏夫亡毀容賴兼五妻黃氏賴富甲妻周氏黃建午妻曾氏夫亡自封其髮吳世雄妻劉氏夫亡引刀斨面

州志

劉芳忠妻楊氏瑞金人年十七寡守節三十六年雍正

八年旌

謝志

陳自勛妻劉氏子婦李氏石城人並早寡以苦節著同

邑周碧先妻熊氏年二十撫遺腹子守節三十餘年俱

雍正八年旌

謝志

陳自覺妻唐氏廣昌人自覺石城人唐年二十三而寡

奉姑撫孤歷三十八年雍正八年旌

謝志

熊幼深妻賴氏石城人年二十三夫亡奉姑撫孤苦節

四十年雍正九年旌

州志

賴湄妻黃氏石城人年二十二夫亡撫遺腹孤苦節四

十餘年雍正九年旌

州志

曾士樛妻楊氏子師旦妻溫氏裔芹妻蔡氏甯都人庚

寅城破婦姑三人同縊於家之門樓兵入見尸驚嘆曰

此真節婦致敬禮而去當三人之投縊也蔡忽下姑顧

之曰有悔心邪對曰嫂當居左雖倉卒毋失序於是姑

居中溫左蔡右而縊死

魏季子傳

陳兆維妻李氏石城人年二十喪夫守節年七十卒陳

銘妻胡氏青年誓節撫從子以續夫祀年六十七卒俱

祀節孝祠

謝志

魏禧妻謝氏甯都人讀書知大義禧客死儀真謝聞訃

號慟不食積至十三日死

謝志

劉浩然妻陳氏瑞金人年二十二夫亡慟哭觸石骨碎

不死事舅姑以孝著姑登樓折足陳負以行凡二十年

乾隆元年旌

州志

楊于仕妻鍾氏瑞金人于仕性孝以痛母卒鍾年二十

二黽勉守節撫定嗣子以勞苦聞乾隆間旌

州志

楊春啟妻湯氏瑞金人年二十夫亡翦髮毀容以示不

貳州志

劉之藹妻曾氏石城人夫亡撫子守節姑以哭子喪明

曾舐而復之年六十有四卒

州志

魏宗殷妻溫氏甯都州人年二十二夫亡歷十旬自沈

於水

州志 謹案甯都殉夫婦女州志有陳美才妻鄧氏李匡侯妻朱氏揭其繼妻羅氏李于源妻謝氏

廖律天妻胡氏曾再揚妻李氏李爾上妻白氏李策乾妻賴氏管砥中妻曾氏彭處祥妻溫氏黎尙球妻曾氏

嚴斗光七排妻羅氏彭以兒妻魏氏連某聘妻謝氏名滿秀廖茂先妻李氏

楊惟林妻鄧氏甯都州人蚤年夫亡無子食貧守節槁

俄而死

州志

廖東松妻張氏甯都州人年二十二夫亡強暴侵之翦

髮毀容以全其節

州志

李上錫妻張氏瑞金人上錫罹冤獄隸逮張及其從子

婦盧氏張恥之與盧自溺於水

州志

朱志耀妻曾氏瑞金人志耀疾篤張禱於神請以身代

遂仰藥死

州志

謹案瑞金殉夫婦女州志有楊將倫妻蘇氏劉興道妻朱氏曾北達妻雷氏章繼

發一作妻賴氏陳長政妻蔡氏陳肇憲妻謝氏曾儀初妻劉氏謝邦選妻劉氏陳曉章妻曾氏鍾益岫妻蒙氏

曾承註妻彭氏

陳氏瑞金人適同邑謝官俊謝故無賴盡蕩其資自鬻

於人不復相恤陳自沈於邑之清香潭

州志

李方中妻羅氏甯都州人咸豐七年賊至投河死

州志

案甯都婦女殉粵賊之難者州志有李汝京妻江氏李德兆妻謝氏楊守康妻李氏王氏模妻吳氏蔡正萬妻

李氏賴佑瑞妻李氏劉存妻某氏曾貴楊妻宋氏邱訓初妻曾氏羅運發妻陳氏劉存惟妻彭氏謝奇峯妻周

氏蕭嘉賓妻溫氏陳其昌妻廖氏胡廷照妻劉氏丁刈楚妻曾氏丁鏡明妻駱氏連理稠妻王氏丁文洋妻溫

氏廖羽儀妻張氏謝祥麟妻廖氏傅啟英女曾融軒女曾巨邨女嚴恭寅女劉忠熾子婦楊氏羅富長妻曾氏

楊將煒一作妻劉氏瑞金人咸豐七年寇亂罵賊支解

死子婦鍾氏從子婦李氏叔似張氏姦馮氏並及於難

州志謹案瑞金婦女殉粵賊之難者
外志有鍾艾妻廖氏鄒仁輩妻賴氏

李善昌妻許氏石城人咸豐八年挈子婦鄧氏避賊遇

於丹谿鄧投水許亦躍入池死縣志謹案石城婦女
殉粵賊之難者州志有

何畢呈妻張氏黃庭訓妻熊氏廖郁蘭
妻李氏熊道宣妻胡氏熊慧中妻張氏

江西通志卷一百七十六